

JUAN JESUCRISTO ENIRUEMO ILLA RAFUE CUIAFUE

Jesucristo rafue iese tainede

¹ Jaca bue nia iñenia, Cristo jaca ite. Jusiñamui uai naimiemo illamona, naimie caina Jusiñamuina birui uiñotade. Jusiñamuimo jaca duide. Naimiedi Jusiñamui.

² Jusiñamui diga jaca nano ite.

³ Naga ite rana finode. Naimie finoñega ra jaca iñede. Naga ite rana comuitaga. Naimie comuitañega ra jaca iñede.

⁴ Naimie muidona iticai. Naimiena cai ñnuamona, jaca iiticai. Lligaiñora diga rana cai cúa isoi, caina Jusiñamuina uiñotade.

⁵ Naimiena ñnoñedino jitiredinomo itimaci isoidimaci. Naimaci comeciai jitirede. Ie uaido naimaci comeciaina lligaiñote, naimaci comeciaino ite jecinno oni jaillena.

⁶⁻⁷ Naimaci comeciaina lligaiñotimiena llollena, Juan micori llucacino Jusiñamuina nana comini ñnollena, Jusiñamuidi Juan Bautista raillamie micorina oretate.

⁸ Juan naie lligaiñoñedimie; iadedi Juan naimiena lluaibite.

⁹ Nanoca lligaiñotimiena llote. Nanoca lligaiñotimiedi eniruemo billanona, nana comini comeciaina lligaiñote.

¹⁰ Naimie muidona comini comuidimaci; iadedi naimie bene billa meinoconi, comini dinena naimiena uiñoñedimaci.

11 Ie nairai illanomo naimie ride; iadedi nana cai nairai naimiena feiñoñedimaci.

12 Damierie naimiena feiñotimaci. Naimiena ñnotimaci. Ie uaido naimiedi naimacina Jusiñamui uruiaina itatate.

13 Iena Jusiñamui jitailla jira, Jusiñamui uruiaina jaidicai. Comemona jeiciamona iena jaiñedicai. Comini jitaillamona iena jaiñedicai. Buena cai finuamona iena jaiñedicai.

14 Iemo caina Jusiñamuina uiñotallena, Jusiñamui jito comena jaide. Naie facaise cai comini motomo naimie ite. Cai cominina eo duenaite. Uanaicinona llouide. Ie siño uaina uiñocana jaidicai. Jusiñamui dajede ie Jitona ciodicai.

15 Juan micori naimiena cominimo jaie llote:

—Birui omoimo lloticue; iadedi jiaimie cue ifo meidoite. Cue baifemo faite. Cue nia jeiciñenia, naimiedi jaca ite —llote.

16 Jesucristo caina eo duenaillamona, birui caina eo canocabide.

17 Moisés micori Jusiñamui uaina jaie llote; iadedi iemona Jusiñamui caina duenaillana jaie raise uiñoñedicai. Jesucristo llamona Jusiñamui caina duenaillana jai raise uiñoticaí. Naimiemona uanaicinona jai raise cacadicai.

18 Jaca buna Jusiñamuina cioiñede; iadedi dajede ie Jito caina naimiena uiñotade. Ie Moo diga danomo illamona, Jesús naimiena uiñote.

*Juan Bautista micoridi Jesúna llua rafue
(Mt 3.11-12; Mr 1.7-8; Lc 3.15-17)*

19 Jerusalémona Juan micori dine judíuai illaicomini Jusiñamui diga ñairainimona dajerie

oredimaci. Jusiñamui diga ñairaini canorainimona dajerie jiai oredimaci. Naimiemo:

—¿Budío? —raillano jicanotadimaci. Juan dine rillanona, raitimaci:

—Cai Jilloitaraïma biite raillamïemo ocuridicai. Cristo raillamïe billemo ocuridicai. ¿Odi naimiedio? —raillanona jicanotimaci.

²⁰ Naimïe dinena janoñede; ia:

—Imïeñedicue —raite.

²¹ Dane naimïemo jicanodosite:

—¿Budío? ¿Elías?

Juan micori dinena uai ote:

—Elíañedicue.

Raitimaci:

—Moisés micori Jusiñamui facaina lloraïma ico billena jaie llote. ¿Odi naimiedio?

Juan dinena raite:

—Ieñedicue.

²² Dane jicanotimaci:

—¿Budío? Caimo llono, cai oretatinomo cai lollena. ¿Nïese naimacimo ona lloiticai?

²³ Juan dinena raite:

—Jofue iñenanomo ado llotimïedicue. Isaías micori jaie llua isoi llocabiticue: “Cai Nama biite. Naimïe naiso atona raise fino”. Iese lloticue; ia naimïe uaina omoi feiñollena, omoi comeciai raise finollena ñaiticue.

²⁴ Juan dine bitinodi fariseuai comini.

²⁵ Nia jicanoiacadimaci:

—Odi cai Jilloitaraïmañenia, o Elíañenia, o Moisés micori llotimïeñenia, ¿bue ñellena cominina bautizadio? ¿Nïe isoide uai omo ite? ¿Ninomona o uaina otio?

²⁶ Juan dinena uai ote:

—Cominina bautizadique; iadedi omoi motomo omoi uiñoñegamie jai ite.

²⁷ Naimie cue ifo meidoite. Cue baifemo faite. Jamai bue cue isoilla jira, naimie illafomo cue riñena jira, naimiena canonidique.

²⁸ Naie rafuedi Betábaramo suide. Jordán railla ille ruicafebeimo ite. Nainomo Juan bautizaude.

Juan micori Jesúna dane llua rafue

²⁹ Ie areruido Juan micoridi Jesús naimie dine billana ciuano, naimiena raite:

—Ero, Jusiñamui Jito toica llauda mamecido jai bite. Cai jeacino facaina faga llauda ifomo Jusiñamui ie Jitona jai orede. Naimie fallemona comini jeacinona dotaite.

³⁰ Navui naimiena ñaitique. Llotique: “Cue ifo jiaimie meidoite. Jamai bue isoidique; iadedi naimie jamai bue isoíñede. Cue nia jeiciñenia, naimiedi jaca ite”.

³¹ Cue dine naimie nia biñenia, naimiedi cai Jilloitaraimana uiñoñedique; iadedi cominina bautizallena bene itique, cai cominimo naimiena lollena.

³² Juan jiai llote:

—Monamona ucugi isoi Jusiñamui Joreño ana billana ciodique. Jesúmo baite.

³³ Naimiedi cai Jilloitaraimana nia uiñoñedique; iadedi cominina bautizallena, cuena oretagamiedi jaie cuemo llote: “Cue Joreño ana billana damiemo baillana ico cioitio. Cue Joreño baillamiedi cue Joreño omoimo fecaita”.

³⁴ Naie rafuena ciodique. Iemona naimiedi Jusiñamui Jitonana llotique.

Jesús ie fetocaga comini ie rafue

³⁵ Ie areruido Juan micorî llofueoicaiganomona menamie Juan micorî diga ia,

³⁶ Juan micorî Jesús macarillana ciuano, raite:

—Ero, Jusiñamui Jito toica llauda mamecido jai bite.

³⁷ Juan micorî diga itiaimaiaî naina cacajano, Jesúna racadiaimaiaî.

³⁸ Jinafo dine erodajanona, Jesús iaimaiaîna cide. Iaimaiaîmo jicanote:

—¿Buena jitaídomico?

Iaimaiaî dinena uai otiaimaiaî:

—Rabbí, ¿ni o jofó? ¿Ninomo itio? — uai otiaimaiaî. Rabbí oni dobaiñuamona: “Llofueraíma raillamie”.

³⁹ Jesús nai iaimaiaî uaina ote:

—Mai. Cue diga bi, omico uiñollena. —Ie jira jaidiaimaiaî. Jesús illanona ciodiaimaiaî. Jitoma nia a illa jira, nairuido naimie diga fiebidiaimaiaî. Jitirecaidemo oni jaidiaimaiaî.

⁴⁰⁻⁴¹ Naie iaimaiaîmona damie Andréna mameciredimie. Jesús dinena naimie jaidemo, ie ama nano jenuaide. Naimie amadi Simón Pedro. Naimiena baillanona, llote:

—Jai cai cominina Jilloitaraímana baiticue. Cristo raillamiena baiticue.

⁴² Ie mei Jesús dine naimiena uite. Jesús naimiena eo eruaíllanona, raite:

—Birui o mamecidi Simón. Juan ie jítodío. Biruimona Cefana jiaí mamecirenitío —raite. Oni dobaiñuacidi Pedro.

Jesús menamie uaidua raufe

⁴³ Ie areruido Jesús Galileamo jaiacade. Felipena baillanona raite:

—Cue llofuegamiena o jaillena, cue diga coco jaillesa, mai cue diga bi.

⁴⁴ Felipedi Betsaida nairai imie. Andrés iaïmaiaï Pedro diga daje nairai iaïmaiaï.

⁴⁵ Jesús naimiemo llua mei, Felipedi Natanaelna oni jenuaide. Higuera railla riara anamo naimiena baillanona, raite:

—Moisés micori jaie cuedamiena jai baiticue. Jusiñamui lloraini micoriaïdi naimiena jaie jiaï cuetimaci. Naimiedi Jesús. Nazaret imie. Ie moodi José.

⁴⁶ Natanael naie nairaina uaitajanona raite:

—Nainomo mare comedi iñede.

Felipe dinena raite:

—Naie o uiñollena, cue diga mai bi.

⁴⁷ Jesúsmona iaïmaiaï iaire ia, Jesús dinena llote:

—Ero, buna jifueñegamie billa. Nanoca Israel imie bite.

⁴⁸ Natanael dinena uai ote:

—¿Bu cuena llogao? ¿Ni ese cuena uiñotio?

Jesús uai ote:

—Felipe ona ailli nia baiñenia, higuera railla riara anamo o illana jai uiñoticue.

⁴⁹ Jacinaillamona, Natanael dane uai ote:

—Maestro, odi Jusiñamui Jitodio. Cai comini illaimadio.

⁵⁰ Jesús dinena uai ote:

—Amena anamo o illana cue uiñua jira, cuena iñotio. Diga siño rafuena ciojitio. Bie rafue baifemo finuana ciojitio.

⁵¹ Jusiñamuimona billanona, iimana jaidicue. Ua-naicino omo lloticue. Mona ecorillana o cioia,

Jusiñamui jaienisaí cue dine billena cioitio. Cuedmona abido jaillena jiaí cioitio.

2

Jinuimona Jesús vino finua rafue

¹ Menarui illanona, Galileamo Canámo iima ie aí uarafue ite. Rafue nama uaidua jira, nainomo Jesús ei jaide.

² Jesús jiaí uaidoga. Ie llofueoicaiganodicaí jiaí uaidogacaí.

³ Vino cueillamona, Jesús ei Jesúmo llote:

—Vino jai iñede.

⁴ Jesús dinena uai ote:

—Quei, ¿bue ñellena iese cuemo llotio? Siño rafue cue finolle facaisedi nia riñede.

⁵ Iemei ie eidi rafue nama mullaiaimo llote:

—Naimie omoimo lluaana fino.

⁶ Jinui nainomo eenollena, nainomo seis noficimona finoca llerodana raisoide. Naiemona jinuína ouidimaci. Marena illena, caí einamací llua isoi, jofomo naimaci ria, naimaci abiaína llereuidimaci. Naga lleroda nibaí cinco latas totaca.

⁷ Mullaiaimo Jesús llote:

—Naie llerodaiaina jinui diga oruita. —
Pozomona jinui atiano, naie llerodamo toidimaci.
Iena finua mei,

⁸ Jesús naimacimo llote:

—Llerodamona janore jisa uanona, rafue nama dine uiño.

⁹ Naie facaiseconi naie jinuidi vinona jaide. Rafue nama naiena facade. Naimiedi ninomona naie vino uana uiñoñede. Dani nainomo ite mullaiaí uiñotimaci. Jirua mei, aí otimie uaiduano,

10 raite:

—Rafue bu finoia, eo caimarede vino nano fecade. Comini ailluena jirua mei, janore caimarede vino fecade; iadedi iese fecañedio. Eo mare vino jinafona fecadio —raite.

11 Galileamo Canámo Jesúsdi siño rafuena nano finode. Iemona caina ie uai siñona uiñotade. Ie muidona naimie siño Jitonana ñnoticaí.

12 Rafue fuilla mei, Capernaumo Jesús ie ei diga, ie amataí diga, ie llofueoicaiganodicaí diga jaide. Nano nigarui nainomo iticaí.

Jusiñamui jofomona Jesúsdi rana fecarainina dotaja rafue

(Mt 21.12-13; Mr 11.15-18; Lc 19.45-46)

13 Pascua railla rafue iaie iacana jira, Jerusalémo Jesús caí diga jaide. Egiptomona caí jaiagaí jillobillana começillena, naie rafue ite.

14 Rillano, Jusiñamui jofomo diga rana fecarainina cide. Ucube ollena, nainomo juraretaíai, toica llaudaíai, ucugíai fecauidimaci. Ucubena meidorainídi jiaí itimaci.

15 Naimaci ocainaíai diga naimaci jino jiullena, rao Jesús uanona, iena lleride. Naimaci ucubena judaíde. Mesaíaina oni caitade.

16 Ucugíaina fecarainimo llote:

—Omoi ucugíaina jino uiño. Cue Moo jofomo ra feca-fecajana jitaiñedicue —llote.

17 Iemo Jusiñamuina lloraini micoriaí cuela-fuiaina jai começiticaí. Iese jaie cuela: “O jofona cue riidua mona, jiaíno cuena meinetaitimaci”.

18 Nainomo ite judíuaí illaicomini ñnena raitimaci:

—¿Ñie isoide uaido naimacina jino oredio? Siño rafuena fino, siño uai omo illana cai uñollena.

¹⁹ Jesús uai ote:

—Bicona judai. Darui amani maijiamona iena dane nillana fuidoitícue.

²⁰ Dane raitimaci:

—Cuarentiséis años bicomio maijidimaci, iena finollena. ¿Ñiese iena darui amani illanona, iena dane nillana fuidoitío?

²¹ Iese raitimaci; ia Jesúsdi Jusiñamui jofona ñaiñede. Dama ie abina ñaite. Fiodaillamona ie jilloillena ñaite.

²² Jesús fiodaillamona naimie jillua mei, ie llofueoicaiganodicai bie lluacinona comecitícai. Ie jira naie ciegafuena ñnotícai. Jesús lluacinona jiaí ñnotícai.

Jesúdi comini comeciáimo iticino llwana jitaiñena rafue

²³ Pascua railla rafue facaiseconi Jerusalémo Jesús ia, diga siño rafuena finode. Ie jira ail-luena comini naimie uaina ñnotimaci. Coniniri raitimaci:

—Naimiedi cai Jilloitaraíma.

²⁴ —Naganomo comeciáina naimaci facaja jira, naie cominina naimie uñuamona, Jesús naimaci motomo iacaiñede.

²⁵ Naimaci comeciáimo iticinuáina naimie eo raise uñua jira, comini rafuena naimiemo bu llwana jitaiñede.

3

Nicodemo Jesús diga ñaia rafue

1-2 Judúuái illaicomínimona damiedi Nicodemo. Naimiedi fariseo imie. Naiona Jesús dine bil-lanona, raite:

—Maestro, cai comínina llofuellena, Jusiñamui ona orede. Iena uiñoticue. Siño rafuena o finua jira, Jusiñamui uai omo illana uiñoticue.

³ Jesús dinena uai ote:

—Raise llotío; ia daje rafue omo lloitícue: Uanai omo lloitícue. Dane abido comonori o jeiciñenia, Jusiñamui ie comínina sedajanomo jaca inítío.

⁴ Nicodemo abido jıcanote:

—¿Ñiese eimie ie ei jeraimo dane iite? ¿Ñiese dane comonori jeiciite?

⁵ Jesús uai ote:

—Uanai omo llotícue. Jusiñamui ie comini sedajanomo o illena, dama o eimona jeiciñellío. Jusiñamui Joreño do bu dane comonori comuitañenia, Jusiñamui ie comínina sedajanomo jaca iñeite.

⁶ Comemona cai comuitaia, jaca comedicaı; iadedı Jusiñamui Joreño do cai comuitaiadedı, Jusiñamui uruedıcaı.

⁷ Omo dane lloitícue: Comonori jeicia. Ieri rajıcaıñeno.

⁸ Iena o raise cacaillena, jıaie rafuedo iena lloitícue. Afıdı ie jıtaiılla dine saırıde. Iena cacadıo; iadedı ninena billana uiñoñedio. Nıne jaillana jıaı uiñoñedio. Ie isoide. Nıese Jusiñamui Joreño comínina comuitajana jıaı uiñoñedio.

⁹ Nicodemo dane jıcanote:

—¿Ñiese biedi dane iite? Raise cacaiñedıcue.

¹⁰ Jesús uai ote:

—Jusiñamui rafuena omo: cominina llofuecabitio. Jusiñamui rafuena omo lloticue; ia iena raise cacaiñedio.

¹¹ Uanaicinona omo lloticue. Abi uiñuamona omo lloticue. Cue cúa rafuena lloticue; iadedi cue lluaana ñnoñedio.

¹² Bene ite rafuena cue lloia, iena ñnoñediota, monamo ite rafuena cue lloia, iena jiai raise ñnoñeitio.

¹³ Eniruemona monamo jaca buna jaiñena jira, monamo ite rafuena bu raise uiñoñede. Monamona cue billa jira, nainomo abido jaiticue. Ie muidona nainomo ite rafuena uiñoticue.

¹⁴ Monamona biticue; ia amenamo fiodaiticue. Jofue iñenanomo Moisés micori jao joreño amenamo jaie cuinade. Jaionia: aiñillamona comini fiodaiñellena iena cuinade. Comini ie isoi jilloillena, ie isoi cuena coraitimaci.

¹⁵ Cue fiodaillamona bu cue uaina ñnoia, monamo jaca iite.

Jusiñamuidi cominina eo isiruilla rafue

¹⁶ Jusiñamuidi cominina eo isiruilla jira, comini dine ie damiede Jitona orede. Ie Jitona naimaci ñnollena, naimiena orede. Naimiena ñnuamona, monamo jaca iitimaci. Jiai faifiñeitimaci.

¹⁷ Naimacina duere finotallena ie Jitona oreñede; iadedi naimaci jeacinomona jilloillena, naimiena orede.

¹⁸ Jusiñamuidi Jesús uaina ñnotinona jaca duere finoñeite; iadedi ie dajede Jitona uaina naimaci ñnoñena jira, Jusiñamui duere finollicino anamo jaitimaci.

¹⁹ Comini comeciaina lligaiñollena, Jusiñamui Jito bite. Jeacino comeciaino illana naimaci uiñollena,

naimaci comeciaina lligaiñuabite; iadedi naimaci comeciã jitiredinomo iacana jira, jearede rafue naimaci finua muidona, naimiena jitaiñedimaci. Ie jira Jusiñamui naimacimo duere finollicinona anamo jai itimaci.

²⁰ Naimie finoca rafue bai raillano, naga jeacino finoraïma ie comeci lligaiñuana jitaiñede;

²¹ ia Jusiñamui jitaillacinona finodino naimaci finoca rafue baïllena, lligaiñotimie ðine marefodo bitimaci.

Juan micoridi Jesúna dane ñaia rafue

²² Digarui illanona, Jesús ie llofueoicaiganodicaï ðiga, Judea railla eniruemo macaricana jaidicaï. Nainomo ðiga irui fiebidicaï. Llofuiamona ïnotinona bautizacana uiticaï.

²³⁻²⁴ Nia cárcelmo iñenia, ailluena jinui nainomo illa jira, Enón railla nairaimo bautizajanomo Juan micorï jiaï ite. Salim railla nairai iaïrei ite.

²⁵ Naie facaise Juan micorï llofueoicaigano judíuã imie ðiga bautizajana siadotimaci.

²⁶ Ie muidona Juan micorï ðine billanona, raitimaci:

—Maestro, navui Jordán ruica ðine damie bil-lena llotio. Naimiena o bautizallena, o ðine navui bite; iadedi birui naimiedi cominina bautizade. Ailluena comini naimie ðine jaioidimaci. O ðine jai raise biñedimaci.

²⁷ Juan uai ote:

—Jusiñamui ie uai fecañedena, Jusiñamui facaina buna jaca buena finonide.

²⁸ Cue lluana navui cacadomoi. Lloticue: “Cai comini jilloitaraimañedicue. Cristoñedicue.

Naimie billena cue lollena, Jusiñamuidi naimie uicomo cuena orede”.

²⁹ Jiaie rafuedo iena lloiticue. Damie ie aina ua mei, dama naimiemo duide. Ie aina ua rafue facaise, naimie nabai iena ciuano, ieri jiai iobide. Ie isoide. Comini cue dine navui biñoidimaci. Birui Jesúmo jaioidimaci. Naimiemo jai duidimaci. Iena cue cacajamona, ieri iobidicue.

³⁰ Comini naimie uai siñona uiñuana jitaicue. Comini cue jamai bue isoidimiena uiñuana jiai jitaicue.

³¹ Jamai comedicue. Ie jira eniruemo ite rafuena llocabiticue. Jusiñamuimona Jesús billa jira, cai baifemo faite.

³² Ie Moo illanomo ciua rafuena llote. Ie Moo illanomo cacaja rafue jiai llote; iadedi eo janore comini naimiema ñnotimaci.

³³ Naimiema ñnotimiedi Jusiñamui uanaicinona lluaana raise uiñote.

³⁴ Jusiñamuidi ie Joreño ie Jitomo caidiñeno fecaja jira, naimie Jusiñamui uaina llocabite.

³⁵ Jusiñamuidi ie Jitona isiruite. Ie jira naga rafue naimiemo fecade.

³⁶ Bu Jusiñamui Jitona ñnoia, Jusiñamui illanomo jaca iite; iadedi bu naimiema ñnoñenia, Jusiñamui illanomo jaca iñeite. Jusiñamui riicaillafue anamo jai ite.

4

Galileamo Jesús jailla rafue

¹⁻² Naie facaise ailluena comini Jesúmona fueotimaci. Iemei naimie dibeido bautizadimaci. Naimacina naimie bautizallena, janore comini Juan dine jaide. Jesúdi bautizañede. Dani ie

llofueoicaiganodicaí bautizadicaí. Fariseuai bie rafuena fidiano, iena Jesús uiñua jira,

³ Judeamona Galileamo Jesús caí diga dane abido jaide.

Samaria iñaiño diga Jesús ñaia rafue

⁴ Galileamo jaillena, Jesúsí Samaria railla enirue dibeido jaiacade.

⁵ Samariamo caí ria, Sicar railla nairaimo iaírei rillano, daje pozomo ridicaí. Naie pozodí Jacob micorí jaie finoca. Jacob micorí naie pozo illano ie jito José micorímo jaie fecade.

⁶ Jitoma naidai ítemo, naie pozo fuemo caí rillano, Jesús ana raide. Are macarillanona, jafaici ote.

⁷⁻⁸ Jesús pozomo fiebicailla meinona, Sicarmo jaidicaí, guille ollena. Caí jailla mei, Samaria iñaiñodí jinui ollena, pozomo bite. Jesús naiñaiñomo jicade:

—Jinuina cue ine, cue jirollesa.

⁹ Naiñaiñodí uai ote:

—Judío imiedío. Samaria iñaiñodícue. ¿Niese cuemo jinuína jicadío? —Naiñaiño iese raite, judíuai Samaria comini diga ñairainina jira.

¹⁰ Jesús dinena dane uai ote:

—Jusiñamui omo feaacalle ra uiñotíodena, o diga ñaitimíena uiñotíona, cuemo jaca itataite jinuína cuemo jicadío. Iemei omo iena fecadícue.

¹¹ Naiñaiño uai ote:

—¿Niese bie pozomona jinuína oitío? Eo ana ite. ¿Ninomona jaca itataite jinuína oitío?

¹² Caí usuma Jacob micorí bie pozo caímo jaie iñonocaiga. Naiemona naimie micorí jaie jirode. Ie uruíai micoríaí jiaí naiemona jirodimaci. Ie

ocainai dai dajemona jiai jirodimaci. Cai usuma micori baifemo fañedio –raite.

¹³ Jesús uai ote:

–Nagamia dai bie jinui jirua mei, dane jiroacanite;

¹⁴ iadedi cue fecalle jinui jirua mei, dane jiroacaiñenite. Cue fecalle jinui, torafo illa isoi, naimiemo jaca iite. Jusiñamui dine illena, naimiena jaca itataite.

¹⁵ Naiñaiño naimie uai ote:

–Ero, cue dane jiroacaiñellena, bene dane cue biñellena, o lloga jinui cuemo ine.

¹⁶ Jesús dinena uai ote:

–O jofomo mai jai. O ini diga abido bene bi.

¹⁷ Naiñaiño uai ote:

–Ininidicue.

Jesús dinena uai ote:

–Uanai llotio. Ua ininidio.

¹⁸ Cinco diga inina jai faicaidio. Birui o diga itimiedi jiai o iniñede. Uanaicinona ua llotio.

¹⁹ Iemona abina uiñocaillamona, naiñaiño dinena uai ote:

–Odi Jusiñamui ie lloraímadio. Iena uiñotícue.

²⁰ Cai jaiagai bai bene ite anedumo Jusiñamuina sedauímaci. Ie jira nainomo Jusiñamuina nia sedadica; iadedi omoi judíuai dinena raitomoi: “Jerusalémo Jusiñamuina cai sedailla”.

²¹ Jesús dinena dane uai ote:

–Cuená ino. Jiaíruido bai bene ite anedumo cai Moona sedañeitomoi. Jerusalémo naimiena jiai sedañeitomoi.

²² Raise uiñoñoeno Jusiñamuina biruido sedadomoi; iadedi cai nairaimona cai Jilloitaraima illa jira, naimiena raise uiñuana sedadica.

²³ Jiairuido, ua birui, cominidi: “¿Ninomo Jusiñamuina sedaiticai?” raillamo comeciaina facañeitimaci. Naimaci comeciai jitaillamona, naimaci illanomo Jusiñamuina ua sedaitimaci. Naie isoide comini naimiena sedajana Jusiñamui jitaide.

²⁴ Jusiñamui comeñede. Naimiedi jafaici. Omoi comeciai jitaillamona naimiena omoi sedajana jitaide.

²⁵ Riño uai ote:

—Cai Jilloitaraima billena uiñoticue. Naimiedi Cristo. Naimie bia, nana bie isoide rafuena caina raise uiñotaite.

²⁶ Jesús raite:

—Naimiedicue.

²⁷ Ieconi abido ridicai. Riño diga Jesús ñaia jira, rajicaidicai; iadedi: “¿Buena naiñaiño jitaide?” raillano jicanoñedicai. “¿Buena ñaitomico?” raillano jia jicanoñedicai.

²⁸ Ie lleroda pozo ecimo rainanocaida, Jesús llua isoi, naie facaise naiñaiño ie nairaimo abido jaide. Nainomo abido rillanona, naiñaiño cominimo llote:

²⁹ —Ailli pozo fuemo cue jaca cioiraininamie diga dafafidicue. Nana cue finouiga rafue diese cuemo llote. Mai, cai jibuisailli. Naimiedi pozo fuemo ite. Nibai naimiedi cai Jilloitaraima. Naimiedi nibai Cristo.

³⁰ Ie jira Jesús dine ailluena comini bitimaci.

³¹ Naie riño ie nairai dine jailla mei, abido cai dine nia riñenia, Jesúsna raiticai:

—Maestro, mai guiño.

³² Naimie uai ote:

—Cuemo guille illana uiñoñedomoi.

33 Coniniri siadoticaí:

—Jai nibaí bu ecajaibiga.

34 Jesús uai ote:

—Jusiñamui cuena oretate. Naimie jitailla rafuena finocana jaidicue. Naimie rafuena cue llumona, jai guiticue isoidicue.

35 Comecina facadomoí: “Jusiñamui uaina nia lloñeíticaí. Ico iena lloíticaí”. Ie isoide. Illimo riana nia llisiñenia, comeциаina facadomoí: “Riana einaillena, naga amaga fivui fiebite. Naie facaise maijíticaí”. Omoimo lloticue: Omoí ecimo eruai. Riana jai einaita isoide. Naimacimo Jusiñamui rafue lollena, iena naimaci ñollena, ailluena comini jai itimaci.

36 Naie llisillamo maijítimiedi ie ucubena feiñoite. Ie isoide. Jusiñamui rafuena damerie llocabillamona, comini iena cacadimaci. Jiaino billamona, iena dane cacajamona, iena ñnotimaci. Naie mare rafue lloraini ibana feiñoitimaci. Jusiñamui dibeimo naimaci dajena maijia jira, dajena iobitimaci.

37 Cai comini iena raicabitimaci: “Damie iduaina rite; ia jiaimie llisillana ote”.

38 Ie isoide. Omoina oredicue, comini cue dibeimo itatallena. Naimacimo cue uaina nano lloñedomoí; iadedi nano jiaino naimacimo cue uaina llotimaci. Ie jira nana omoí llofuiamona cue uaina ñnoitimaci.

39 Samaria iñaiño llumona, naiñaiño nairaimona ailluena comini Jesúsna ñnotimaci. “Naimiedi nana cue finoca rafuena cuemo lloite” naimacimo naiñaiño lloite. “Naimiedi cai jilloitaraima” raillanona Jesúsna ñnotimaci.

⁴⁰ Jesús dine naimaci rillanona, naimaci diga naimie fiebillena, Jesúmo jicanotimaci. Ie jira Jesús menarui naimaci dinomo fiebide.

⁴¹ Naimie llofuiamona, jiaie ailluena comini naimiena inotimaci.

⁴² Riñomo llotimaci:

—Daño o lluamona, navui inoticaí; iadedi naimie uaina cai cacajamona, birui raise inoticaí. Naimiedi comini ua Jilloitaraima.

⁴³ Menarui illanona, nainomona Galileamo Jesús cai diga jaide.

⁴⁴ Caimo llote:

—Jusiñamuina lloraímadí ie nairai illanomo ia, naie comini naimie lluomo cacarefiacaiñedimaci;

⁴⁵ iadedi Galileamo cai rillanona, nainomo itino naimiena caimare feiñotimaci. Pascua railla rafue facaise Jerusalémo nana naimie finoca rafue navui naimaci ciua jira, naimiena caimare feiñotimaci.

Jesúdi illaicomini jitona jillotaja rafue

⁴⁶ Galileamo Jesús cai diga macaria, dane Canámo ridicaí. Nainomo jinuimona vino navui finode. Nainomo cai ia, Capernaum railla nairaimo itimie jito duide. Duidimie moodi gobierno diga maijjuide.

⁴⁷ Judeamona Galileamo Jesús illana naimie fidiano, Canámo bite. Jesús illanomo billena, ie jito jai fiodaiacana jira, ie jitona jillotallena Jesúmo duere jicanote.

⁴⁸ Jesús naimiemo llote:

—Siño rafuena omoi cioiñenia, cuena inoñedomoi.

⁴⁹ Uai ote:

—Maestro, cue diga bi, cue jito fiodaiñellesa.

50 Jesús uai ote:

—Mai jai. O jito jai fioldaiñeite —llote. Naie ñima Jesús uaina ñnuano, ie jofomo abido jaide.

51 Naïsona naimie jaidemo, ie mullaiaï diga afeedo beici dafaiñide. Llotimaci:

—O jito jai jillode.

52 Ie jira naimie jïcanote:

—¿Ñino jitoma itemo, jillode?

Uai otimaci:

—Navui are jitoma oni lluaï caidemo, abi cuaril-ladi faïnonocaide.

53 Ie comecina facade: “Navui are naie fa-caise Jesús cuemo llote: ‘O jito jai jillode’ ”. Ie mullaiaï lluaña cacajamona, naimiedi Jesúsdi cai Jilloitaraimana ñnote. Nana naimie jofomo itino jiaï ñnotimaci.

54 Judeamona Galileamo Jesús abido billano, siño rafuena iese jai finode.

5

Joraibïmo tïsitaitïmie jillua rafue

1 Digarui illa mei, cai judïuaï rafue iacana jira, Jerusalémo Jesús abido jaide.

2 Jerusalémo toïca llaudaiaï jaisoilla nase fa-caimo joraibi ite. Cai judïuaï uaimona nai joraibi mamecidi Betesda. Naie jorai fuedo ite cinco jïfocotiaï.

3 Nainomo diga duidino biidimaci: uisïnidimaci, ñuja-ñujacaidino, tïsitaitino. Jïnuina begollena sedadimaci.

4 Feide isoidemona dacaiño Jusiñamui jaienicidi jïnuina begotallena bite. Iemei nai jïnuïmo nano jaidïmie ie duicomona jillode.

⁵ Duidino motomo tsitaitimie ite. Treintiocho años duide.

⁶ Naimiena ciuano, naimie are duillana uñuamona, Jesús naimiemo jicante:

—¿Jilloiacadio?

⁷ Duidimie uai ote:

—Jii; iadedi jinuina begoia, jaca buna iñede cue canoiten. Ie jira jaimiedi cue uicodo jinuimo jaide. Ie jirari nia jilloñedicue.

⁸ Jesús uai ote:

—Mai naidacai. O biira ferinocaida macari.

⁹ Iecon naimie jillode. Ie biira ferianona oni jai macarite.

Sábadoruimo duidimie jilloitajana siadua rafue

Sábadoruimo, judíuai jafaici ouillaruimo, naimie jillode.

¹⁰ Ie jira judíuai illaicominidi jillodimie mo llote:

—Birui sábado. O biira abinocaida o uilla jira, Moisés micori rairuica rana jai finodio. Sábado mo maijnidicai. Birui jafaici uaruimo jaca buena jetanidicai.

¹¹ Naimie uai ote:

—Cuen jilloitatimie cuemo llote: “O biira mai ferinocaida macari”.

¹² Judíuai dinena jicante:

—¿Bu iena omo llote? —Naimie uñoñena jira, uai oñede.

¹³ Jesúsdi comini motomo itabilla jira, ailluena comini illa jira, jai jillodimie ie jilloitatimiena uñoñede.

¹⁴ Ie meinoconi dallu illanona, Jusiñamui jofomo Jesús dinena naimiena baite. Llote:

—Jai jillodio. Abido dane eo duere o sefuisa, dane jecinona finoño.

15 Ie mei judíuái illaicomínimo jillodimie lluaide. Lote:

—Jesús raillamie cuena jillotate.

16 Sábadoruimo Jesús bie rafuena finua jira, judíuái illaicomínidi naimiena duere finoacasite.

17 Jesúsdi abina riiduanolote:

—Cue Moodi ie jitailla rafue jaca finode. Ie isoi cue jitailla rafue finocana jaca jaidicue —lote.

18 Sábadoruimo naimacimona Jesús maíjia jira: “Jusiñamuidi cue Moo” naimie railla jira: “Jusiñamuidicue” naimie railla jira, judíuái illaicomíni naimie meinellena eo jitaídímaci.

Jesús ie Moo isoi finua rafue

19 Naimacimo Jesús lote:

—Uanaicinona lloticue. Buena dama finonidicue. Cue Moo finua rafuena cuano finocabidicue. Cue Moo finua isoi finodicue.

20 Cue Moo cuena isiruillanona, nana ie finoca rafuena cuena jai uiñotade. Naimie Jitona cue illa jira, bie imana cue jilloitaja baífemo jiaie siño rafuena finoiticue, omoi raíjicaillena.

21 Fiodaitinona jilloitallena, cue Moomo ie uai ite. Naie uai cuemo jiaí ite.

22 Cue Moo juez isoi naimie ñnoñedinomo lloñeite; iadedi naimacimo juez isoi cue llollena, naimaci duere sefuillena, ie uai cuemo iga.

23 Omoi dine naimie cuena oretate. Naimiedi omoi cuena iobitajana jitaide, naimiena omoi iobitaja isoi. Cuena omoi iobitañenia, cue Moona jiaí iobitañedomoi.

24 Uanaicinona lloticue. Cue uaina bu cacaia, cuena oretatimiena bu ñnoia, monamo jaca iite.

Jearede rafue naimie finua facaina duere sefuiñeite. Faiñeite; ia monamo Jusiñamui diga jaca iite.

²⁵ Uanaicino lloticue. Jusiñamui Jitodicue. Ua birui cuena ñnoñedino cue uaina cacareitimaci. Cuena cacajamona, cuena ñnuamona, jaca iitimaci.

²⁶ Cominina jaca itatallena, cue Moomo uai ite. Comini jaca itatallena, cuemo ie uai jiai iga.

²⁷ Cuena ñnoñedinomo juez isoi cue lollena, naimiemo cue duillamona, ie uai cuemo jiai iga.

²⁸ Ieri rajicaiñeno. Jiaruido nana jai fiodaitino diese cue llwana cacaitimaci.

²⁹ Fiodaillamona naimaci abiai jilloitimaci. Ie mei cue jitaillacinona finodino jaca illena lloticue. Cue jitaillacinona ñnoñedino diese duere sefuiñena lloticue.

³⁰ Naimacimo cuena oretatimie jitailla isoi lloticue. Dama cue comecimo ite rafuena cue lloñena jira, bie llucinodi uanaicino.

Jusiñamui ie Jito uaina comini ñnoñena rafue

³¹⁻³² Jesús nia llote:

—Dama cue abina cue lloiadedi, bu cuena jaca ñnoñede; iadedi Jusiñamui cue facaina jiai llote. Naimie llucino uanaicino. Iena uñoticue.

³³ Naimiena cacareillena, Juan Bautista micori ñine cominina navui oretatomoí. Abido naimaci bia, naimaci cacaja rafuena omoimo lollena, naimacina oretatomoí. Juan llucinodi uanaicino.

³⁴ Naimie micori cue rafuena llouide; iadedi naimie micori llogacinomo omoi comeci eo facajana birui jitañedicue. Cuena omoi ñnollena, naimie mamecina jai llinoticue.

35 Lamparín raise lligaiñua isoi, ie rafuedo Juan micorí omoi comeciáimo iticinona raise uiñotade. Dallu ieri iobidomoi.

36 Cue finoca rafue Juan micorí finoca rafue baifemo faite. Cue siño finoca rafuena ñaiticue. Cuena naimie oretajamona, cue Moo uaido iena finodicue. Ie jira naiemona naimie dinena cue billana jai uiñotomoi.

37 Cue finoca rafue muidona cuena uiñotomoi; iadedi naimie llwana jaca cacaiñedomoi. Naimiena jiai jaca cioiñedomoi.

38 Cuena omoi ñinoñena jira, naimie uaina feiñoñedomoi.

39 Jusiñamui dine omoi rillena, Jusiñamui facaina lloraini micoriai ciegafuiaina facacabidomoi. Naifuiaidi cuena ñaite;

40 iadedi Jusiñamui dine omoi rillena, cue uaina ñnoiacañedomoi.

41 Cuemo iobillacinona omoi fecallena sedañedicue.

42 Jusiñamuina isiruiñedomoi. Iena uiñotocue.

43 Cue Moo mamecido cue billanona, cuena feiñoñedomoi; iadedi dama ie mamecido jiaimie bia, naimiena feiñoitomoi.

44 Jaca ñnoiacañedomoi. Iobillacino coninimo fecadomoi; iadedi ua Jusiñamuidi omoína “Mare” raillana jitaiñedomoi.

45 “Cue Moomo omoi marañede finoca rafuena lloiticue” raillanomo comeciaina facañeno. Moisés micorí ciegafuiáimo omoi llogidua fue jai ite. Moisés micorí ciegafuiái muidona Jusiñamui dine omoi jaca illemo ocuiridomoi.

46 Moisés micorí ciegafuiaina ñnotomoina, cuena naimie micorí cuia jira, cuena jiai

ñnoitomoi.

⁴⁷ Naimie cuegafuiaina ñnoñedomoi. Ie jira cuena jiai ñnoñeitomoi –llote.

6

Jesús cinco llomenicomona ailluena cominina ecaja rafue

(Mt 14.13-21; Mr 6.30-44; Lc 9.10-17)

¹ Jiairuido Galilea railla jorai ie ruica ñibeimo Jesús ie llofueoicaiganodicaí ñiga jaide. Naie joraidi jiai Tiberiana mameciredede.

² Duidinona naimie jillotauillana naimaci cúa jira, ailluena comini naimiena racadimaci.

³⁻⁴ Naie facaiseconi pascua railla rafuedi jai iaie ite. Jesús cai ñiga anedumo a jaillanona, ñinomo ana raide.

⁵ Oni erodatemo, ailluena comini naimie ñine billana cide. Felipemo jicanote:

–Naimaci guillena, ¿ñinomona llomenicono oiticaí?

⁶ Naimiena facacillena, iena jicanote; iadedi Jesús ie finolle rana jai uñote.

⁷ Felipe uai ote:

–Janore naimaci guillena, doscientos ñigarui ie mañia ucube diese llomenico oticaina, bañede.

⁸ Naie facaise caimona ñamie iena cacade. Naimiedi Simón Pedro ama. Andréna mameciredede. Naimie raite:

⁹ –Cinco cebadamona finoca jenide llomenico daje uruemo bene ite. Mena lliciai jiai naimiemo ite; ia ¿ñiese ñibaiticaí? Bañeite.

¹⁰ Jesús caimo llote:

–Cominimo llono, ana imaci raillesa.

Ie jira raitire illanomo ana raídímací. Cinco mil iñíai itímací.

¹¹ Llomeniconá Jesús ua meinoconi, Jusiñamuimo iobillacínona fecajano, Jusiñamuimo júde. Iemei comínimo cáina naie llomeniconá fecatate. Comíní jitailla díerise lílicíai daje isoi fecatate.

¹² Naimací monillamona, cáimo Jesús llote:

—Buena jaca faífiñellena, fiebide guille danomo irái.

¹³ Ie jira iena iráídícaí. Naie cinco llomenicomona, comíní guigamona fiebidemona, doce círigaíaimo oruitatícaí.

¹⁴ Jesús finoca rafuena naie comíní dí cíuanona, llotímací:

—Jusiñamui facaina lloráiní micoríaídí cáí Jilloitaráima íco billena jaie llotímací. Bimíedí naimíe.

¹⁵ Naimací illaímana naimíe illena, naimíena gáitaacadímací. Iena naimíe uíñua jira, iena naimíe jítaiñena jira, aneduáimo naimíe oní jaide.

Capernaumo Jesús abído jailla rafue

(Mt 14.22-27; Mr 6.45-52)

¹⁶ Jitoma ana ítemo, jaí navuidemo, íe llofueoícaiganodícaí joráimo jaídícaí.

¹⁷ Cáí botemo cáí jaillano, ruica Capernaumo jaíacadícaí; íadedí Jesús nía bíñede. Jesúsna sedadícaímo, naimíe bíñena jírari, jaí jítirena facáiseconi jaí jaídícaí.

¹⁸ Ráire aífí illa jira, jorai eo bagode.

¹⁹ Níbaí cinco, níbaí seis kilómetros jaídícaímo, damíe cáí díne jínui emododo billana cíodícaí. Bote díne naimíe billana cíuanona, jacínaitícaí.

20 Jesús caimo llote:

—Jesúdicuesa. Jacinaiño.

21 Iena cacajanona, botemo naimiena a billana jitaídicaí. Ieconí ruica dñe caí jaiacananomo ridicaí.

Comini Jesúna jenua rafue

22-24 Caí jailla mei, daje bote nairuido illa jira, jinafomo fiebidino Jesús caí diga jaiñenana uñotimaci. Caí Nama ie Momo iobillacinona fecajanomo, cominimo guille fecajanomo, Tiberiamona dajerie botes naie facaise iaie bite. Monaidemo, Jesúna naimaci cioiñena jira, caí jiaí iñena jira, naie botiaido Capernaumo Jesúna jenollena, jaidimaci.

Jesús: “Llomenicodicue” railla rafue

25 Ruica dñe Jesúna comini baillanona, jicanotimaci:

—¿Niruido bene ridio?

26 Jesús uai ote:

—Navui are omoína cue ecajmona, iemona omoi monillamona, cuena jenodomoí. Siño rafuena cue finuana ciodomoi; iadedi cuena nia iñoñedomoi.

27 Guille raie cueicabide. Cueiruide ramo comeciaina eo facaño. Cueiruñede ramo comeciaina eo faca. Jusiñamui diga omoi jaca illemo comeciaina eo faca. Cue Moo Jusiñamui, iimana cue jaillena, cuena oretate. Ie uai cuemo illanona, cue uaina omoi iñuamona, Jusiñamui diga jaca iitomoí.

28 Jicanotimaci:

—Nia Jusiñamui dibeimo iticaina, ¿nie isoidifue finodicaina mare?

29 Jesús uai ote:

—Naimie oretagamie uaina omoi ñnuana jitaide.

30 Naimaci ñnena dane jicanotimaci:

—¿Ñie isoide rafuena finoitio? iena cai ciuano, o uaina cai ñnollesa.

31 Cai jaiagai jofue iñenanomo Jusiñamuimona bite guilla ra guisoidimaci. Moisés micori iena jaie cuega: “Jusiñamuimona bite guiga ra naimacimo nagarui fecauide”. Iemo jiai birui ocuiridicai. Naie isoide siño rafuena o ñnuana jiai cioacadicai —llotimaci.

32 Jesús uai ote:

—Uanai lloticue. Moisés micori naie guiga ra jaca fecañede. Cue Moo iena fecauide. Birui naimiedi monamona bite ua llomenicono omoi mo jai fecaacade.

33 Jusiñamui fecaacalle llomenico monamona jai bite. Comini iena guillamona, jaca iitimaci.

34 Llotimaci:

—Nagarui caimo bie isoide llomenicono feca.

35 Jesús uai ote:

—Llomenico guillamona iticai. Omoi llomenico isoidicue. Cueno ñnuamona, monamo jaca iit-
omoi. Cueno ñnotimie dane aimetañeite. Cueno isiruitimie jaca dane jiroacaiñenite. —Iese llote; ia naimaci comeciaina ñaite. Naimaci comeci
ai jitaillacino naimacimo jaca illena ñaite—.

36 Cueno ciodomoi; iadedi cuena ñnoñedomoi.

37 Nana cue dibeimo cue Moo itatallinodi cuena ñnoitimaci. Cuemona naimacina jaca oni dotañeiticue.

38 Cueno oretatimie ie jitailla rafuena ñnollena, monamona jai biticue. Dama cue jitailla rafuena finoiticuena biñedicue.

39 Cuenā oretatimiedi cue dibeimo itatallinomona buna faifillana jitañede. Jusiñamui lluaruimo fiodaillamona nana naimaci abiaina cue jilloitajana jiai jitaide.

40 Jusiñamui Jitona cue illana bu ñnoia, cuena bu ñnoia, monamo jaca iite. Jusiñamui lllorruimo fiodaillamona naimie abina jillotaiticue. Iese cue Moo jitaide.

41 Jesúsdi: “Monamona bite llomenicodicue” raila jira, judíuai illaicomínidi naimie uaina jamaillano ñnosñede.

42 Raitimaci:

—Bimiedi Jesús. José jito. Ie moona uiñoticaí. Ie eina jiai uiñoticaí. ¿Ñiese naimiedi: “Monamona biticue” raite?

43 Jesúsdi uai ote:

—Iese omoi naiñeno.

44 Naimiena cue Moo ñnotañenia, bu cuena ñnonide. Cuenā bu ñnoñenia, Jusiñamui lllorruimo fiodaillamona naimie abina jillotaiticue.

45 Jusiñamuina lloraini micoriai jaie iena cuetimaci: “Jusiñamuidi nana comínina ico llofueite” cuetimaci. Birui naie rafue jai suide. Naga cue Moomo cacarefidimie, naga cue Moomona fueotimie cuena jiai ñnoite.

46 Buna cue Moona jaca cioñede. Naimiemona cue billamona, dama cue ciua.

47 Uanaicinona lloticue. Cue uaina ñnotimie monamo jaca iite.

48 Jesús dane llote:

—Llomenico guillamona iticaí. Omoi llomenico isoidicue. Cuenā ñnuamona, monamo jaca iit-
omoi.

49 Jofue iñenanomo omoi jaiagai Jusiñamuimona bite rana guisoidimaci; iadedi fiodaitimaci.

50 Birui jiaie guille ra ite. Monamona ite. Iena bu guia, monamo jaca iite.

51 Bie llomenicodi cue. Monamo cominina jaca itatallena, monamona biticue. Bu bie isoide llomenicona guia, jaca iite. Bie llomenicodi cue abi. Comini facaina fiodaiticue.

52 Iena cacajano, judíuai illaicomini coniniri naiena siadotimaci. Raitimaci:

—¿Niese bimie abina riiticaí?

53 Ie jira Jesús dinena raite:

—Uanai lloticue. Cue abina omoi riñenia, cue diruena omoi riñenia, cue Moo diga jaca iñeitomoi.

54 Bu cue abina ríia, bu cue diruena ríia, cue Moo diga jaca iite. Fiodaillamona naimie abi iirairuimo jillotaiticue.

55 Cue abidi ua rille. Cue diruedi ua rille.

56 Bu cue abina ríia, bu cue diruena ríia, cuena nabaide. Naimiena jiaí nabaidicue.

57 Cue Moo cuena orede. Naimiedi jaca ite. Cue Moo jaca illa jira, cue jaca iticue. Daje isoide. Bu cue abina ríia, cue illamona, naimie jiaí iite.

58 Bie isoide guille ra monamona jai bite. Omoi jaiagai jaie guiga ra isoíñede. Jaie fiodaitimaci; iadedi bie guille ra birui bu guia monamo jaca iite. —Iese llote; iadedi naimie fiodaillamona, naimiena comini ñnuamona, Jusiñamui diga naimaci jaca illena ñaite.

59 Capernaumo judíuai ofiracomo Jesús biena llote.

Jesús diga jaisoidino naimie lluaana siadua rafue

60 Jesús diga jaisoidino naimie lluana cacajano, coniniri siadotimaci:

—Bie llua eo irirede. Bu iena cacaiñede.

61 Jesúdi naimaci iese siaduana uiñote. Ie jira llote:

—Cue lluana raise inoñedomoi.

62 Jusiñamuimona imana jaillena jai biticue. Monamo abido ico cue jaillena cioitomoina, iena jiai nibai raise inoñeitomoi.

63 Cai joreño caimo illamona, iticai. Dani cai abi diga iñedicai. Ie isoide. Cue llogacino Jusiñamuimo duide. Iena omoi inuamona, jaca iitomoi;

64 ia omoimona nana inoñedomoi —llote. Nano dofoconimona Jesúdi naimiena inoñedinona uiñote. Naimiena gaitataitimiena jiai uiñote.

65 Jesús dane llote:

—Ie jira omoimo lloticue: Cue Moo jitaiñenia, cuena jaca bu inonide.

66 Iena cacajano, Jesús diga jaisoidinomona, diga comini naimiena faionocaidimaci.

67 Ie jira ie doce llofueoicaiganodicaimo Jesús jicanote:

—¿Jiai cuena faionocaida, abido jaitomoi?

68 Simón Pedro uai ote:

—Nama, o diga cai jaiñenia, ¿bu diga jaiticai? Jusiñamuimo cai rillena, o isoi Jillotaraima iñede. Jaiimiero jaca itatajaracinodi iñede.

69 O lluana jai inoticai. Jusiñamui mare Jitodio. Iena uiñoticaí.

70 Jesús dane uai ote:

—Doce digamie fetocaomoi; iadedi omoimona damie Taifemo jainaiade —llote.

71 Caimona Judas Iscariote micorina ñaite. Judas micori Jesúna gaitataiacadimie.

7

Jesús amatiai naimiena #ñoñena rafue

¹ Jiairuido Galileamo ite nairaiaimo Jesús macarite. Judíuai illaicomini naimiena meineiicana jira, Judeamo jaiñede.

² Jifocotiaiai railla rafue iaire ite. Judíuai ie rafue.

³ Ie jira Jesús amatiai naimiemo llote:

—O diga jaicabidino o finua rafuena raise cioillena, beno fañonocaida, Judeamo jai.

⁴ Bu ie mameci are soriacania, bainino maijirañina. Ie isoide. Siño rafuena o finoia, ailluena comini illa motomo iena fino.

⁵ Jesús amatiai naimiena #ñoñena jira, iese raite.

⁶ Jesús dinena uai ote:

—Jerusalémo nia jaiñeiticue; iadedi nainomo omoi jaiacalliruido omoi jai.

⁷ Comini omoina enoiñedimaci. Naimaci finoca jearede rafuena cue llua jira, cuena jaca enoidimaci.

⁸ Jerusalémo rafuemo jai. Cue jaillirui nia riñena jira, nia jaiñeiticue.

⁹ —Iese llvano, Galileamo naimie fiebide.

¹⁰ Naimie amatiai rafuemo jailla mei, Jesúsdi naimaci jinafona dama bainino jaide.

¹¹ Nai rafuemo judíuai illaicomini Jesúsna jenuano baiñenano, cominimo jicanotimaci:

—¿Ninomo naimie ite? —Uiñoñena jira, comini uai oñedimaci.

¹² Nainomo ailluena comini itimaci. Comini illa motomo naimiena anado siadoside. Jiaino dinena: “Naimiedi mare” raitimaci. Jiaino dinena: “Naimiedi cominina jifuate” raitimaci.

13 Judíuai illaicomínina iciana comini jaciruillanona, anado siadoside. Jesúsna marefodo buna ñañede.

Sábadoruimo Jesús maijia raufe

14 Jifocotiaiai railla rafue atuedo fitemo, Jesús Jusiñamui jofomo jaillano, llofuede.

15 Illaicomini naimie llofuiamona raiji-caidimaci:

—¿Niese naimie abi uiñote? Eo rafuena uiñotimemona jaca fueoñede —raitimaci.

16 Jesús uai ote:

—Dama cuemona oñega cue llofuiacinodi. Cuen a oretatimie ie.

17 Jusiñamui jitaillacinona finoiacadimiedi ninomona cue llofuiacinona cue uana uiñoite. Jusiñamuiamona cue uana uiñoite. Dama cue comecimona cue oñenana jiai uiñoite.

18 Bu dama ie comecimona ie llofuiacinona uanona lloia, naimiedi comini naimiemo iobillacinona fecajana jitaide; iadedi bu ie oretatimiena iobitaia, uanai llote. Marañedicinona finoñede.

19 Moisés micori Jusiñamui uaina jaie llote; iadedi birui naie llogacinuaina nia raise ñnoñedomoi. Iena raise ñnotomoidena, cuena niade meineiacañedomoi.

20 Comini dinena uai ote:

—Nibai uairitaidio. ¿Bu ona meineiacade?

21 Jesús uai ote:

—Dacaiño sábadoruimo damiena jillotaticue. Ie jira cue uaina uaitatamoi.

22 Sábadoruimo jiai maijicabidomoi. Moisés micori ñisaiiai abiai diana omoimo jaie llote; iadedi naimie micori naiena nano lloñede. Naimie micori

usumatiai naiena nano llotimaci. Sábadoruimo iisana abi dellirui ia, detomoi.

²³ Moisés micori llogacinona inollena, sábadoruimo iisaiaina detomoi. Sábadoruimo imana raise jillotaticuemo, ¿bue ñellena cue diga iciritomoi?

²⁴ Cominimo jamai eruaillanona, naimacina jeare ñañeno; ia naimaci finoca rafuena raise uiñuamona, naimacimo comecina faca. Cue finoca rafuemo comecina faca.

Jesúna comini siadua rafue

²⁵ Ie jira Jerusalémo itino coniniri siadotimaci:

—Illaicomini bimiena meineiacadimaci;

²⁶ iadedi beno marefodo naimie llofuete. Jaca buena lloñedimaci. Illaicominidi: “Bimiedi cai jilloitaraíma” raillano nibai comeciaina facadimaci.

²⁷ Bimie ie billanona cai uiñua jira, naimiedi cai jilloitaraímañedimie. Cai jilloitaraíma baireia, jaca budi naimie billanona uiñoñeite —siadotimaci.

²⁸ Ie jira Jesús Jusiñamui jofomo naimie llofuiano llote:

—Cuen a uiñotomoi. Ninena cue billana jiai uiñotomoi. Cue jitailla jira biñedicue; iadedi jiaimie cuena oretate. Naimiedi uanai llote. Naimiena uiñoñedomoi.

²⁹ Naimiemona cue billa jira, naimiena uiñoticue. Cuen a oretate —llote.

³⁰ Ie jira illaicomini Jesúna gaitaacadimaci; iadedi naimie fiodable facaise nia riñena jira, buna naimiena gaitañede.

³¹ Nairui ailluena comini naimie uaina inotimaci. Raitimaci:

—Cai Jilloitaraïma bia, ¿ñiese naimiedi bimie bai femo jiaie rafuena finoite?

Jesúna gaitaiacana rafue

³² Fariseuaidi comini iese ñaiana cacajano, Jesúna gaitallena, Jusiñamui diga nanoca ñairainidi ailluena policiana orede.

³³ Ie jira naimacina Jesús dinena raite:

—Dallu omoi diga nia iiticue. Ie mei cuena oretatimie dine abido jaiticue.

³⁴ Cuena jenoitomoï; iadedi cuena baiñeitomoï. Cue dine binitomoï.

³⁵ Ie jira nainomo ite illaïcomini dani siadotimaci:

—¿Ñine jaite? ¿Ñiese naimiena baiñeiticai? Judíuaiñedinona llofuellena, jiaie eniruemo cai comini dine nibai jaite.

³⁶ ¿Ñiese naimie raite: “Cuena jenoitomoï; iadedi cuena baiñeitomoï”? ¿Ñiese raite: “Cue dine binitomoï”? —iese siadotimaci.

Jesúdi Jusiñamui Joreñona ñaia rafue

³⁷ Jifocotiaiaï railla rafue fuillaruimo, ua rafue ie nairuimo, Jusiñamui jofomo itinomo Jesús ado llote:

—Bu jiroacania, cue dine bi.

³⁸ Jusiñamui facaina lloraini micoriaï jaie cuega: “Naimiena ñnotimie comecimo jaca itatate jinui isoi iite, torafomona jinui tonooilla isoi”.

³⁹ Jesúdi iese llote; ia Jusiñamui Joreñona ñaite. Jusúna ñnotinomo Jusiñamuidi ie Joreñona ico illena ñaite. Jesús nia fiodañena jira, iena nia iñega.

Comini Jesúna dane siadua rafue

⁴⁰ Jesús lluana comini cacajano, raitimaci:

—Jsiñamui facaina lloraini micoriai Jusiñamui facaina lloraima ico billena jaie llotimaci. “Cristo nia baireñenia, naimie biite” llotimaci. Bimiedi naimie.

⁴¹ Jiaïno raitimaci:

—Naimiedi cai Jilloitaraïma. Naimiedi Cristo.

Jiaïno raitimaci:

—Cai Jilloitaraïma Galileamona biñeite.

⁴² Jusiñamui facaina lloraima micori cueda: “Cai Jilloitaraïmadi David micori jito. Belémo David micori illanomo jeicille”.

⁴³ Ie jira daje isoi naimiemo comeciaina facañedimaci.

⁴⁴ Jiaïno naimiena gaitaacadimaci; iadedi buna naimiena jetañede.

Judíuai illaïcomini Jesúna ñnoñena rafue

⁴⁵ Ie mei policías naimaci illaïcomini dine abido jaidimaci. Fariseuai dinena jicanotimaci:

—¿Bue ñellena Jesúna atiñedomoi?

⁴⁶ Policías dinena uai ote:

—Naimie llofui a isoi jaca buna llofueñede. Iena jacinailanona, naimiena atiñedicai.

⁴⁷ Fariseuai dane llotimaci:

—Cominina jifui a isoi, omoina jiaï jifuate.

⁴⁸ Cai illaïcomini dinena naimiena jaca ñnoñedicai. Moisés micori llogacinodo raise jaidicai;

⁴⁹ ia Jesús llofui ana cacadino Moisés micori llogacinuado jaca raise jaiñedimaci. Ie jira jaca faifitimacisa.

⁵⁰ Naie illaïcominimona Nicodemo raillamie ite. Naimie naiona Jesús dine navui jaide. Fariseo imie.

51 Jesúsna ríduanona, naimie llote:

—Cai einamací llocabitímací: “Bu duere cai finoacania, nano naimie lluomo cacarefitícaí. Jearede rafue naimie finuana cacareillano, naimiena duere finoitícaí”. Iena cai cacaiñenia, naimiena duere finoñeitícaí.

52 Nicodemomo llotímací:

—Galileamona bitíno isoi ñaitío. Naimie llofuegamiena nibai jai jaiacadío. Jaié cuegafuíaina raise faca. Jusiñamui facaina lloraini micoriáidi cai nairaina Jilloitaraíma Galileamona billena jaié cueñedímací. Bie Jesús raillamiedi cai nairaina Jilloitaraímañedímie.

53 Ie meinoconi damerie imací jofomo jaidímací.

8

Ie iniñede íima díga ríñodi rafuetailla ie rafue

1 Naie facaise Jesúsdi Olivos railla anedumo jaide.

2 Ie areruido jítíramo Jusiñamui jofomo abído dane jaide. Ailluena comíni naimie díne billa jira, naimie ana raíta, naimacina llofue.

3 Naie facaise Moisés micorí llogacínona llofueraínimona dajerie bitímací. Fariseuáimona dajerie jiai bitímací. Daje ríño atídímací. Ie iniñede íima díga naiñaiñona jai eídatímací. Comíni illa uícomo atíano,

4 Jesúsimo llotímací:

—Llofueraíma, biñaiño ie iniñede íima díga eídatícaí.

⁵ Moisés micori jaie cuega: “Bie isoidiñaiñodi nofici diga fairinoga, meinellena”. ¿Niese naiñaiñona o raitio?

⁶ Naimiena facacillena, naimie raise uai oñenia, naimiena llogidollena, iese jicanotimaci. Iena cacajano, Jesús ana jitadacaida, eniruemo ie onocai diga cuete.

⁷ Naimiemo diga icaiño jica-jicanuano, naimie naidacaida, naimacimo llote:

—Omoimona jeacino iñedimie naiñaiñomo nano noficina fairino.

⁸ Dane ana jitadacaida, eniruemo dane cuete.

⁹ Naimie llwana cacajano, dajerie jino jaidimaci. Nano eo einamacidi jino jaidimaci. Ie mei conirueni jino jaidimaci. Nana comini tuua mei, nainomo Jesús fiebide, naie riño diga ñaillena.

¹⁰ Eruaillano naiñaiñomo jicanote:

—¿Ni nai o llogidotino?

¹¹ Naiñaiño uai ote:

—Jaca iñedimaci. Cuenai jai llogidoiacaiñedimaci.

Jesús uai ote:

—Jiai ona duere finoñeiticue. Mai jai. Jeacino dane finoño.

Jesúdi comini comeciai lligaiñua rafue

¹² Jesúdi cominina dane llofuianona, raite:

—Jeacino oni jaillena, comini comeciaina lligaiñoticue. Cuenai ñnotimie jitiredinomo jaca iñeite. Jeacino anamo jai iñedimie Jusiñamui diga ico jaca iite.

¹³ Fariseuai dinena uai otimaci:

—Dama o abina ñaitio. Ie jirari uanaicinona lloñedio.

14 Jesús uai ote:

—Dama cue abina lloticue; iadedi uanaicinona lloticue. Ninena cue billanona uiñoticue. Nine cue jaillinona jiai uiñoticue. Ninena cue billanona uiñoñedomoi. Nine cue jaillinona jiai uiñoñedomoi.

15 Abi raise uiñoñeno cuena jeare ñaitomoi. Iese omoïna ñaiñedicue;

16 iadedi omoïna cue ñaia, uanaicinona lloticue. Dama cue uaina omoïna lloñedicue. Cuena oretatimie omoïna jiai llote.

17 Moisés micori iena jiai jaie cuega: “Menamie daje isoi lloia, naie iaïmaiaï llucacïno di omoï ñnua” cuega.

18 Cue facaina lollena, menamie jai ite. Cue facaina lloticue. Cue Moo cue facaina jiai llote.

19 Fariseuai ñinena jïcanote:

—¿Ñi o moo?

Jesúdi uai ote:

—Cuena uiñoñedomoi. Cue Moona jiai uiñoñedomoi. Cuena uiñotomoïna, cue Moona jiai uiñotomoi.

20 Jusiñamui jofomo ucube eenoracomo bicinona siadotimaci. Jesús fiodable facaise nia riñena jira, jaca buna naimïena gaitañede.

Jesúna comini ñnoñenia, naie jeacino diga fiodable rafue

21 Naimacimo Jesús dane llote:

—Ico oni jaiticue. Cuena jenoitomoi; iadedi cuena baiñeitomoi. Na omoïmo jeacino nia itemo, fiodaitomoi. Cue jaillinomo jainitomoi.

22 Ie jira judúuai illaïcomini ñinena iena siadotimaci:

—Dama ie abina meineite.

“Cue jaillinomo jainitomoi” Jesús railla jira, iese siadotimaci.

²³ Jesúsdi uai ote:

—Jusiñamuimo ite rafuemo duiñedomoi. Naimiemo ite rafuemo duidicue. Naimie dibeimo iñedomoi; ia naimie dibeimo iticue.

²⁴ Cue Jusiñamui Jitonana omoi ñnoñena jira, na omoi jeacino diga fiadaitomoi.

²⁵ Jicanoside:

—¿Budío?

Jesús uai ote:

—Nano omoi motomo cue illamona bumiedicuenta omoina raicabiticue.

²⁶ Diga rafue omoi mo lloiacadicue. Maraiñede rafuena omoi finuana omoi mo nia lloiacadicue; iadedi omoi mo cuenta oretatimie uaina dama lloticue. Nai uaidi uanaicino —llote.

²⁷ Naimiedi ie Moo Jusiñamuina llote; iadedi caicaiñeditimaci.

²⁸ Ie jira Jesús llote:

—Cuenta omoi meinia mei, bumiedicuenta uñoitomoi. Cue uaido dama lloñediticue; iadedi cue Moo cue llofuia uaido llocabiticue.

²⁹ Cuenta oretatimie cue diga ite. Naimie jitaille rafuena cue finua jira, cuenta fañonocaiñede.

³⁰ Iese Jesús llotemo, diga illaicomini naimie uaina como ñnoiacadimaci.

Comini Taife anamo illa rafue

³¹ Jesúsdi naimie uaina como ñnoiacadinomo llote:

—Cue llwana ñnocana omoi jaia, cue ua cominidomoi.

³² Uanaicinona uñoitomoi. Ie mei jiaimie anamo dane iñeitomoi.

³³ Uai otimaci:

—Abraham micorí ie uruiaidicai. Jiaimie anamo jaca iñedicai. ¿Bue ñellena llotio: “Jiaimie anamo iñeitomoi”?

³⁴ Jesúdi uai ote:

—Uanai lloticue. Jeacino finocabidomoi. Naga jeacino finoraíma ie jeacino anamo jai ite. Omoi jeacino anamo omoi illana ñaiticue.

³⁵ Jiaie rafuedo iena lloiticue. Ie patrón anamo itimiemo ie patrón rafuedi duiñede; iadedi naie patrón jitomo ie rafuedi duide.

³⁶ Ie isoide. Jusiñamui Jitona cue illamona, naimie rafuemo duidicue. Ie jira omoimo cue lloia, omoi jeacino anamo ua iñeitomoi.

³⁷ Abraham micorí ie uruiaidomoi. Iena uíñoticue; iadedi cue llwana omoi raise iñoña jira, cuena meineiacadomoi.

³⁸ Cue Moo diga jaie cue illamona, cue ciua rafuena llocabiticue. Omoi moomona cacaja rafuena finocabidomoi.

³⁹ Uai otimaci:

—Cai moodi Abraham micorí.

Jesús dane uai ote:

—Abraham micorí uruiaidomoidena, Abraham micorí finoca rafue isoi finodomoi. Abraham micorí uruiaíñedomoi. Ie jira Abraham micorí finoca rafue isoi finoñedomoi.

⁴⁰ Uanai cue llua jira, cuena meineiacadomoi; iadedi Abraham micorí iese finoacaiñede. Cue llucino Jusiñamuimona oticue.

⁴¹ Jusiñamui uruiaí finoca rafuena finoñedomoi; iadedi omoi moo finoca rafuena finocabidomoi.

Uai otimaci:

—Jamai nairai ie uruiaññedicaí. Cai Moodi Jusiñamui.

⁴² Jesús dane llote:

—Jusiñamuidi omoi moodena, cuena isiruitomoi, naimiemona cue billa jira. Cue jitailla jira, biññedícue; iadedi cuena oretate.

⁴³ ¿Bue ñellena cue llwana cacaiññedomoi? Cacareirañnidomoi.

⁴⁴ Omoi moodi Taifena jira, cue llwana ññoñedomoi. Naimie jitailla rafuena finoacacabidomoi. Nano dofomona naimiedi comena meinteraíma. Naimie taino jaca llua jira, uanaicínona naimie jaca gaiñede. Naimie tainona lloia, ie comeci llua ísoi llote. Naimiemona taino lluacínodi comuicabide. Naimie isoidomoi.

⁴⁵ Uanai cue llua jira, cuena ññoñedomoi.

⁴⁶ ¿Ñie isoide jeacino finodícue? Cuemo llono. Uanai cue lliá, ¿bue ñellena cuena ññoñedomoi?

⁴⁷ Jusiñamuina mooredimiedi Jusiñamui uaina cacade. Jusiñamui uruiaññedomoi. Ie jira cue llwana cacaiññedomoi.

⁴⁸ Naimiena jearuillanona, naie illaicomini ñinena iese raitimaci:

—Samaritano nairai imiedio. Janaba illamiedio. Uairitaidio.

⁴⁹ Jesús uai ote:

—Janaba illamieññedícue. Cue finoca rafuemona cue Moona iobitadícue; iadedi iese cuena omoi ññaímona cuena iobitaññedomoi.

⁵⁰ Omoimona iobillacínona feiñollena, cue rafuena finoññedícue; ía cue Moo íena oiacade. Cuena omoi ññoñenia, cuemo iobillacínona omoi fecañenia, cue Moo omoína duere finoite;

⁵¹ ía bu cue llwana ua ññoia, jaca ua fiódaiññeite.

⁵² Naie illaicomini dinena uai otimaci:

—Janaba illamediona jai uñoticaí. Abraham micori jaie fodaite. Jusiñamuina lloraini micoriai jiai jaie fodaitimaci; iadedi: “Bu cue llwana ñnoiadedi, fodaiñeite” raitio.

⁵³ Cai usuma Abraham micori baifemo faiñedio. Jusiñamuina lloraini micoriai baifemo faiñedio. ¿Bumiediota?

⁵⁴ Jesúsdi uai ote:

—Dama cue abina biriñedicue; ia cue Moo cuena marena ñaiamona, cuena iobitate. “Cai Moodi Jusiñamui” raicabitomoi;

⁵⁵ iadedi naimiena uñoñedomoi. Naimiena uñotiecue. “Naimiena uñoñedicue” cue raia, omoi isoi taino llotiecue. Naimiena uñotiecue. Naimiena jiai ñnotiecue.

⁵⁶ Omoi usuma Abraham micori eniruemo cue ico billena jaie uñote. Iena uñuamona, naimie iobide.

⁵⁷ Illaicomini dinena uai otimaci:

—Odi cincuenta años nia iñedio. ¿Ñiese Abraham micorina ciodio?

⁵⁸ Jesúsdi uai ote:

—Abraham micori nia iñena facaiseconi jaca itiecue.

⁵⁹ Iena cacajanona, naimie fairinollena, naie illaicomini noficina llinotimaci; iadedi Jesús reirillanona, Jusiñamui jofomona oni jaide.

9

Jesús uisnidimiena jillotaja rafue

¹ Jiairuido ie llofueoicaiganodicaí diga Jesús macaria, uisnidimiena ciodo. Iese nanomona jaca naimiedi jeiciga.

² Jesús mo jicantocai:

—Llofueraima, ¿bue ñellena naimiedi iese jeiciga? ¿Nie isoide ra ie moo jetajamona, naimie iese jeiciga? ¿Nie isoide ra ie ei jetajamona, naimie iese jeiciga? Caimo llono.

³ Jesús uai ote:

—Naimie jeacino finua muidonañede. Ie moo muidonañede. Ie ei muidonañede. Jaca bue jetajamona, iese comuiñede. Jusiñamui uai siñonana comini uiñollena, iese jeiciga.

⁴ Nia userena jira, cuena oretatimie ie jitailla rafuena finoacadicaí. Raire jitirenite. Ie mei bu jaca maijinite.

⁵ Eniruemo cue nia ia, comini comeciaina lligaiñoticue. —Iese Jesús llote; iadedi jiaie rafuena ñaite. Naimie nia fioidañenia, Jusiñamui rafuena llocana naimie jaillana ñaite. Ie fioidaillirui jai iaire iacanana ñaite. Comeciaina lligaiñuana llote, jeacino oni jaillena.

⁶ Iena lluanona eniruena tuajano, enirue idiai finuanona, uisnidimie uisina naie enirue diga riginote.

⁷ Raite:

—Siloé railla joraibimo mai noisai —raite. Siloé oni dobaiñuamona: “Oretarabi”.

Ie jira naimie noisaide. Uisi jai ciodemo, abido bite.

⁸ Billa mei, naimie ecimo itino, jiai naimiena ciocabidino diga, naimie jilluana coniniri siadotimaci:

—¿Buuta naimiedi? Bene ucube jicallena raicabidimie isoide.

⁹ Jiaino raitimaci:

—Jii, naimie.

Jiaino raitimaci:

—Ieñede. Naimiena eruaide isoide.

Naimie dinena raite:

—Uisnidimiedicue; iadedi jai ciodicue.

¹⁰ Naimiemo jicanotimaci:

—¿Niese jai birui ciodio?

¹¹ Uai ote:

—Jesús raillamie enirue idiai finuano, cue uisina riginote. Cuemo llote: “Siloé railla joraibimo noisai”. Ie jira noisaidicue. Jai ciodicue.

¹² Jicanotimaci:

—¿Ninomo ite nai Jesús?

Naimie uai ote:

—Uiñoñedicue.

Comini uisnidimie jai jilluana siadua rafue

¹³ Navui uisnidimie jai jillua mei, fariseuai dine comini naimiena uitimaci.

¹⁴ Sábadoruimo Jesúdi naimiena jillotaja jira,

¹⁵ fariseuai naimiemo jicanotimaci:

—¿Niesenamona jai ciodio?

Uai ote:

—Jesús raillamie enirue idiai finuano, cue uisina riginote. Ie mei Siloé railla joraibimo noidicue. Iemona jai ciodicue.

¹⁶ Fariseuaimona jiaino raitimaci:

—Sábadoruimo bimiena Jesús jillotaja jira, caimona jai maijde isoide. Jesús maijia jira, Jusiñamuimona naimie biñede.

Jiaino raitimaci:

—¿Niese jearede ra finuidimiedi uisnidimiena jillotate? —Ie jira daje isoi comeciaina facañedimaci.

¹⁷ Ie jira navui uisnidimie dano jicanotimaci:

—Naimie ona jillotaja jira, ¿niese odi Jesúsna raitio?

Uai ote:

—Naimiedi Jusiñamui uai lloraima.

¹⁸ Naimie moo, naimie ei iaímaiaimo nia jicanoñenia, judíuai illaicomini nai ima jaca cioñenano ñnosñede. Ie jira iaímaiaina uaiduanona,

¹⁹ jicanotimaci:

—¿Bimiedi omico jito? ¿Naimie jaca uisínino jeiciga?

²⁰ Uai otíiaímaiai:

—Jii, bimie coco jito. Jaca uisínino jeiciga. Iena uiñoticoco.

²¹ Niese jai naimie uisina ciuana uiñoñedicoco. Bu naimiena jilloitajana jiaí uiñoñedicoco. Naimiemo jicano. Naimiedi jai eimiesa. Dama ie facaina jai ñaite —uai otíiaímaiai.

²² Bie rafue nia suiñenia, judíuai illaicomini navui llotimaci: “Jesúdi cai Jilloitaraima bu lloia, cai ofiracomo naimiena fo billana rairuiticai”. Iena jaciruillanona,

²³ llotíiaímaiai: “Naimie jai eimiesa. Naimiemo jicano”.

²⁴ Ie jira illaicomini dane naimiena uaiduano, llotimaci:

—Jusiñamuimo iobillacinona feca. Jesúsno fe-caño. Naimie jearede rafuena finouidimiena uiñoticai.

²⁵ Uai ote:

—Naimie jearede rafuena finouillana uiñoñedicue. Daje rafuena uiñoticue. Navuidi cioirainidicue. Birui jai ciodicue. Iena uiñoticue.

²⁶ Jicanotimaci:

—¿Niesede ra diga finuamona odi uisina ciodio?
¿Niese ona jillotate?

²⁷ Uai ote:

—Omoimo jai lloticue; iadedi cacaiacaiñedomoi.
¿Bue ñellena omoimo dane lloiticue? ¿Ie llo-
fueganona jaiacadomoi?

²⁸ Raire uai otimaci:

—Naimie ie llofuegamiedio. Caidi Moisés micori
ie llofueganodicai.

²⁹ Jusiñamui Moisés micorimo jaiie llua
uiñoticai; iadedi bimiena uiñoñedicai. Naimie
ninena billana jiai uiñoñedicai.

³⁰ Nai iima uai ote:

—Jadi, naimie ninena billana uiñoñedomoi;
iadedi cuena jillotate.

³¹ Jusiñamuidi jearede rafuena finodino ñaia
uaina cacarefiñede. Naie isidino siño rafuena
finoñenana uiñoticai; iadedi Jusiñamuidi naimiena
sedadimie ñaia uaina cacade. Ie jitailla rafuena
finodimie ñaia uaina cacade. Naie isidino siño
rafuena finuana uiñoticai.

³² Enirue finua facaisemona jaca buna uisnino
jeicigamiena jilloitañede.

³³ Jesúsdi Jusiñamuimona biñedimiedena, jaca
buena finonide.

³⁴ Uai otimaci:

—Jamai cai nairai imiedio. ¿Niese caina llo-
fueitio?

Ie jira naimaci ofiracomona naimiena jino
dotadimaci.

Jesús uisnidimie diga ñaia rafue

³⁵ Uisnidimiena jino dotajana fidianona, Jesús
naimiena jenode. Baillano, jicanote:

—¿Omoi cominina Jilloitaramana inotio?

³⁶ Uai ote:

—¿Bumai naimie? Cuemo llono, naimiena cue ñnollesa.

³⁷ Jesús uai ote:

—Naimiena ciodio. O diga ñaite. Cue.

³⁸ Caiñici ifodo rainadajanona, iobillacinona fellena, uai ote:

—Nama, jai o uaina ñnoticue.

³⁹ Jesús uai ote:

—Uisidino cioitallena, eniruemo biticue. Jai uisina ciodino uisina cioitañellena biticue. —Iese Jesús raite; ia naimaci comeciaina ñaite. Jesús “Jai marañedicaí” raitinona jillotajaibite. Jesús “Jai maredicaí” raitinomo ite jeacino naimaci uiñollena bite.

⁴⁰ Naimie ecimo ite fariseuai iena cacajano, jicanotimaci:

—¿Uisididomoi caina raitio?

⁴¹ Jesús uai ote:

—Uisididino isoi itomoina, omoimo ite jeacino omoi muidonañede; ia “Jai ciodicaí” omoi railla jira, omoimo ite jeacino omoi muidona.

Iese raite; ia naimaci comeciaina ñaite. Jeacino naimacimo illana naimaci uiñoiacaiñena jira, iese ñaite. Naimaci jeacino oni dotajana jitaiñedimaci.

10

Toica llaudaiaí sedaraima rafue

¹⁻² Jesús dane llofue:

—Cue rafuena omoi raise uiñollena, toica llaudaiaína ñaiticue. Llaudaiaí jino uicabilla isoi, llaigafomo nasedo fo jaidimiedi naie

llaudaiaia sedaraima; ia jinofebai dinena bitimiedi firiraima.

³ Llaigafu llaudaiaia sedaraima fo jaillena, nase sedaraimadi nase econote. Llaudaiaia naimie uaina uinotimaci. Imaci mameciaido uaiduamona, llaigafomona jino bitimaci.

⁴ Nana ie llaudaiaia jino bia, naimacina ifode. Naimie uaina uinuanona, naimiena racadimaci.

⁵ Naimaci uinoñegamiena racañedimaci; iadedi naimie uaina naimaci uinoñena jira, naimiemona oni aisidimaci.

⁶ Bie isoidicinona Jesús llofuate; iadedi naie comini iena cacañedimaci.

⁷ Ie jira Jesús dane llofuate:

—Llaigafu ie nase isoidicue.

⁸ Damierie firirainina bitimaci. Ie jira llaudaiaia naimaci uaina cacañedimaci. —Iese Jesús llofuate; ia naimiena inotinona ñaite. Naimiena abi caitadinona ñaite. Naimie inotino naimiena abi caitadino llogacinomo cacarefiñena ñaite.

⁹ Nia llofuate:

—Llaigafu isoidicue. Bu cue nasedo fo bia, jilloite. Llaudaiaia isoi fo biite. Jino jaite. Mare guille baite isoite. —Iese llofuate; ia naimiena inotino marena illana ñaite. Naimiemona naimaci jitailla rafuena uana ñaite.

¹⁰ Nia llofuate:

—Llaudaiaia fillena, meinellena, faifillena, firiraima bite; iadedi cominina jaca raise itatalena, biticue.

¹¹ Llaudaiaia marena sedaraimadicue. Mare sedaraimadi ie toinaia facaina riiduanona ie abina faifite.

¹² Janallari bia, llaudaiaia naimie ieñena jira, jamai maijidimiedi, llaudaiaia faionocaillano,

ecimona aiside. Llaudaiaina janallari gaitaacanamona, llaudaiai tuudimaci.

¹³ Jamai ucube oiacanano, isiruiñenano, jamai maijidimie aiside.

¹⁴ Iese iñedicue. Mare sedaraimadicue. Cue llaudaiaina uiñoticue.

¹⁵ Cue Moo diga conimana coco uiñua isoi, naimaci cuena jiai uiñotimaci. Cue llaudaiai facaina fiodaiticue. —Iese Jesús llofuate; ia naimiena ñnotinona ñaite. Jamai maijidimie isoi naimacina sedañede. Naimacina raise riidote. Naimaci facaina jiai fiodaiacade.

¹⁶ Nia llofuate:

—Jiaie llaigafomo jiaie llaudaiai cuemo ite. Naimacina jiai atiacadicue. Cue uaina cacaitimaci. Ie mei danomo nana cue llaudaiai iitimaci. Naimacina dama sedaiticue. —Iese Jesús llofuate; ia jiaie nairaiaimo naimiena ñnoitinona ñaite. Dajena naimacina sedajana ñaite.

Jesús fiodaille rafue

¹⁷ Jesús nia llofuate:

—Cue jai fiodaiacanamona, cue Moo cuena isiruite. Fiodaillamona dane jilloiticue.

¹⁸ Cue jitaiñenia, jaca buna cuena meineñeite. Cue jitailla jira, fiodaiticue. Siño uai cuemo illa jira, cue jitailliruimo fiodaiticue. Cuemo cue Moo siño uaidi jai illa jira, dane jilloiticue.

¹⁹ Jesús iese llofuaia jira, judíuai illaicomini di daje isoi comeciaina facañedimaci.

²⁰ Jiaínodi:

—Naimiemo Janaba illamie —raitimaci —. Uairico. Naimiena cacareiacañedicai —raitimaci.

²¹ Jiaíno raitimaci:

—Bie isoidicinona Janaba illamie llofueñede. Janaba illamie uisidimiena jillotanide.

Jesús ie Moo diga daje isoi começi lloilla rafue

²² Rollime facaise Jerusalémo Jesús ite. Naie facaiseconi Jusiñamui jofo ie finua começi rafue ite.

²³ Salomón micori finotaga jofo abi ibirimo Jesús macarite.

²⁴ Naie facaise judúuai illaicomini naimie dine bitimaci. Jicanotimaci:

—¿Niruido caimo ona lloitio? Odi cai Jilloitaraimania, caimo marefodo llono.

²⁵ Jesús uai ote:

—Omoimo jai lloticue; iadedi ñnoñedomoi. Cue Moo mamecido cue finoca rafuemonu cuenu uñnotomoi.

²⁶ Cue toica llaudaiaimo omoi jainaiañena jira, cuenu ñnoñedomoi.

²⁷ Cue toica llaudaiai cue uaina cacadimaci. Naimacina uñnoticue. Cuenu racadimaci.

²⁸ Naimaci jaca itataticue. Jaca abina faifñeitimaci. Cue anamona jaca budi naimacina bairoñeite.

²⁹ Cue Moo naimacina cuenu fecade. Naimacidi jaino baifemo faitimaci. Naimiemona jaca budi naimacina baiironide.

³⁰ Cue Moo diga daje isoi começina lloidicoco. —Iese llote; ia naimiena ñnotinona ñaite. Naie illaicomini naimiemu jainaiañena jira, naimiena ñnoñedimaci. Ienu Jesús ñaite.

³¹ Jesús llofuiana cacajano, naie illaicomini noficina llinotimaci, naimiena meinellenu.

³² Ienu ciuanonu, Jesús llote:

—Cue Moo uaido diga mare rafuena finodicue. ¿Nie isoide rafuena cue finua muidona, cuena meineiacadomoi?

³³ Uai otimaci:

—Mare rafuena o finua muidona, ona meineñeticai. Jamai imadio. “Jusiñamuidicue” o railla jira, ona meineiticaí. Jusiñamui Joreñaona jiaí jeare ñaitio.

³⁴⁻³⁶ Jesús dinena uai ote:

—Jaie ciegafuiaina jamainidicaí. Nainomo Jusiñamuidi naimie uaina cacadinomo jaie llote: “Omoidi jusiñamuillaídomoi”. Jusiñamui ie uaina cacadinomo jaie iese lloiade, ¿niese cuena jeare ñaitomoi? Jusiñamui cuena fetuano, cuena bene oretate. “Jusiñamui Jitodicue” cue railla jira, “Jusiñamui Joreñaona jeare ñaitio” raitomoi.

³⁷ Cue Moo isoi cue finoñenia, cuena ñnoñeno;

³⁸ iadedi cuena omoi ñnoiacañenia, cue Moo isoi cue finoia, naie rafuena ñno. Iemei cue Moomo cue jainaiailana uiñoitomoi. Cuemo cue Moo jainaiailana jiaí uiñoitomoi.

³⁹ Iena cacajano, naimiena dane gaitaacadimaci; iadedi naimacimona jillode.

⁴⁰ Ie mei Jesús Jordán railla ille ruica díbeimo jaide. Nainomo Juan micori cominina nano bautizade. Nainomo rillanona, nainomo Jesús fiebide.

⁴¹ Ailluena comini Jesús dine bitimaci. Coninina raitimaci:

—Juan micori siño rafuena finoñede; iadedi nana Juan micori Jesúna lluacinodi uanaicino.

⁴² Nainomo ailluena cominidi Jesús naimaci jil-loitaraimana ñnotimaci.

11

Betaniamo Jesús abido jailla rafue

¹ Naie facaise Betaniamo Lázaro raillamiedi duide. Naimie miriñodi Marta, María iaiñuai.

² Naie Mariadi jiaruido Jesús eillimo caimare soride rana totade. Ie mei naiñaiño ie ifotie diga naimie eillina safenaillena dote.

³ Naie iaiñuai Jesús dine uaina orediaiñuai, naimie billena. Naimie jibuisaibillena llotatataiñuai:

—Nama, o isiruigamie duide —llotatataiñuai.

⁴ Jesús naie rafuena fidiano, llote:

—Jamai fiodaillena naimie duiñede. Jusiñamui uaina siñonana comini uiñollena, naimie duide. Iemona comini dinena: “Ua Jusiñamui Jitodio” cuena raitimaci.

⁵ Jesúsdi Lázaron a isiruite. Ie miriño iaiñuaina jiai isiruite;

⁶ iadedi Lázaro duillana Jesús fidiano, naimie dine jaiñede. Naimie illanomo menarui nia fiebide.

⁷ Ie mei ie llofueoicaiganodicaimo llote:

—Judeamo abido dane mai cai jailli.

⁸ Uai oticai:

—Llofueraima, judíuai illaicomini birui noficina ona fairinoiacadimaci. ¿Niese naimaci dine dane jaitio?

⁹ Uai ote:

—Nagarui userede. Userenia bu macaria, raise ciua jira, eicaitaiñede;

¹⁰ iadedi bu naiona macaria, raise cioiñena jira, eicaitaide. —Iese llofuate; ia naimie rafuedo jaillena ñaite. Raite:

—Cue rafue suicana jaite. Cue jitaille dinori nia llofueticue. Cue rafuedo omoi jaiia, marena jaitomoi. Iedo omoi jaiñenia, duere sefuitomoi.

¹¹ Dane llote:

—Lázaro jai inide; iadedi naimiena casitallena, jaiticue.

¹² Uai oticai:

—Nama, naimie jamai inia, nia dama casite.

¹³ Naimie jafaici uanona iniamo comeciaina facadica; iadedi Jesús naiena lloñede. Lázaro fiodaillana ñaite.

¹⁴ Ie jira Jesús caimo marefodo llote:

—Naimie jai fiodaite.

¹⁵ Nainomo cue iñena jira, cue siño uai omoi inollena, omoi facaina iobidicue. Naimie dine mai cai jailli.

¹⁶ Caïmona Tomás caimo llote:

—Maiña. Naimie diga fiodaisaiticai —llote. Tomás mameci jiaicidi Dídimio. Naimiedi gorasa.

Jesús Marta diga ñaia rafue

¹⁷ Betaniamo cai ria, Lázaro raiafomo jai nagaa-magarui illana fididicai.

¹⁸ Jerusalémona Betaniamo tres kilómetros dinori illa jira,

¹⁹ diga judíuai illaicomini eedollena, Marta iañuui María dine bitimaci.

²⁰ Jesús billana Marta fidiano, cai dine naisomo bite; iadedi jofomo María fiebide.

²¹ Jesúmo Marta llote:

—Nama, o bene itiona, cue iio fiodañede;

²² iadedi Jusiñamuimo buena ojicaia, naimie iena finoite. Iena uiñoticue.

²³ Jesús dinena uai ote:

—O ño abido jilloite.

²⁴ Naiñaiño uai ote:

—Nana comini jilloilliruimo naimie jiai jilloite. Iena uñoticue.

²⁵ Jesús uai ote:

—Fiodaillamona comini abiana jilloitaraimadicue. Jusiñamui diga jaca illena, cominina itataraimadicue. Bu cuena ñnuanona, fiodaiadedi, iemona ñco jilloite.

²⁶ Cuena ñnotimena Jusiñamui illanomo jaca illena itataiticue. ¿Iena ñnotio?

²⁷ Naiñaiño uai ote:

—Jii, Nama; odi cai Jilloitaraimadio. Odi Jusiñamui Jitodio. Jusiñamui ñnena o billamo jaie ocuridicai.

²⁸ Iese raillanona, jofomo Marta abido jaide. Ie euiñona uaiduano, anado llote:

—Llofueraima jai ride. Ona uaidote.

²⁹ Iena cacajano, raire cai ñne María bite.

³⁰ Marta diga ie ñañanomo Betania ecimo Jesús ñia ite.

³¹ Jesús ñne María ñia jaiñenia, judíuai illaicomini ñi María ñia eedotimaci. María jino jaillana cüano, racadimaci. “Raiafomo eellena naiñaiño jaide” raillanona comeciaina facadimaci.

³² María Jesús ñne rillano, naimiena duenailano, caiñici ñfodo rainadacaida, llote:

—Nama, bene itiona, niadedi cue ñiodi fiodañede.

Jesús Lázaron jillotaja rafue

³³ María eiana Jesús cüano, naiñaiño diga bitino eiana cüano, naimie comeci eo sunaite. Sunaillamona, jafaicina faite.

34 Jicanote:

—¿Ninomo Lázaron a raitomoi?

Uai otimaci:

—Nama, mai jibuisaibi.

35 Lázaron a duenaillanona, Jesús eede.

36 Iena ciuanona, judíuai illaicomini dinena llotimaci:

—Ero. Naimiena eo isiruite.

37 Jiaino raitimaci:

—Navui uisimidimiena jillotate. ¿Bue ñellena bimiena jilloitañede, naimie nia fioidañenia?

38 Iena cacajanona, ie siño uai finuana naimaci nia raise inosiñena jira, Jesús começi dane sunaite. Oni jaillanona, raiafomo ridicai. Nofici motomo ite naie raiafo. Ifodi jiaie noficina ibaica.

39 Jesús llote:

—Nofici oni ñuita.

Marta dinena naimie uai ote:

—Nama, naimie abi jai sorirede. Nagaamagarui raiafomo jai ite.

40 Jesús uai ote:

—Cuen a o inoia, Jusiñamui uai siñonana uiñoitio.

41 Iemon a cominidi noficina oni ñuitadimaci. Jesús monamo eruaillano, llote:

—Moo, cue uaina o cacaja jira, iobidicue.

42 Jaca cuena cacadio. Iena uiñoticue; iadedi cue diga bene itino illa muidona, iese ado lloticue. Cuen a o oretajana naimaci inollena, o diga ado ñaiticue.

43 Ie mei eo ado llote:

—Lázaro, jino bi.

44 Nai fioidaitimie nia naimie abi nana ferinua ra diga jino bite. Jesúsdi cominimo llote:

—Naimie abi ferinua oni suiño. —Ie jira suiñodimaci.

⁴⁵ Ie muidona María diga bitinomona ailluena comini Jesúna ñnotimaci. Naimie finoca rafuena ciuanona, ñnotimaci.

Jesúna meinellena, illaicomini comecina facaja rafue

(Mt 26.1-5; Mr 14.1-2; Lc 22.1-2)

⁴⁶ Jesúna ñnoñedinomona damierie Jesús finoca rafuena fariseuai dine lluidimaci.

⁴⁷ Ie jira Jusiñamui diga nanoca ñairaini, fariseuai diga, danomo ofidimaci. Jesús rafuena siadotimaci:

—¿Niese naimiena nibaiticai? Diga siño rafuena ua finocabide.

⁴⁸ Naimiena niese cai nibañenia, nana comini naimiena ñnoitimaci. Nana comini naimie dibeimo jaia, naimaci illaimana naimie jaillana jitaitimaci. Iemei romanos soldaduai biitimaci. Jusiñamui jofona judaiaibitimaci. Cai nairaiana jia fuidoitimaci. Iena jitaiñedicaí.

⁴⁹ Naie facaise nanoca Jusiñamui diga ñairaimana Caifás illamona, naimacimo llote:

—Naimie rafuena raise uiñoñedomoi.

⁵⁰ Iese cai nairaimo suiñellena, damie cai nairai facaina fiodaitena, mare. Iena nibaí nia raise uiñoñedomoi.

⁵¹ Ie comecina dama facajano, iese lloñede; ia Jusiñamui diga nanoca ñairaimana naimie illamona, Jusiñamui naimiena buena llotatate:

—Jesúdi cai comini facaina fiodaite.

⁵² Cai comini facaina dama fiodañede; iadedi nana Jusiñamuina ñnoitinona facaina fiodaite.

Diga nairaiaimo itimaci; iadedi naimiemo dajena nana naimaci duillena, naimie fiodaite.

⁵³ Caifás lluana naimaci cacajamona, judíuai illaicomini comeциаina nia facadimaci, naimiena meinellena.

⁵⁴ Ie jira Jesús judíuai illaicomini illa motodo marefodo macariñede. Jofue iñena dofodo jaidicai. Efraín railla nairaí dine ridicai. Nainomo diga irui iticai.

⁵⁵ Pascua railla rafue iaíre iacana jira, ail-luena comini Jerusalémo naimaci nairaiaimona jaidimaci. Rafue nia taíneñenia, naimacimo ite rafue oni jaillena, cai einamací llua isoi finodimaci.

⁵⁶⁻⁵⁷ Jusiñamui diga nanoca ñairainidi fariseuai diga navui ñaitimaci:

—Bu Jesúsna cioia, naimiena cai gaitallena, caimo llono.

Rafuemo bitino illamona, Jesúsna jenodimaci. Jusiñamui jofomo naimaci ia, coninimo jicanododimaci:

—¿Niese comeциаina facadomoí? ¿Jesús bene biite? Cai illaicomini llua jira, nıbai jai biñeite. Illaicomini lluana fidiano, naimie biñeite.

12

*Betaniamo Lázaro jofomo Jesús guilla rafue
(Mt 26.6-13; Mr 14.3-9)*

¹ Pascua railla rafue rilledi seis digarui fiebidemo, Jesús cai diga Betaniamo jaide. Betania Lázaro illano. Jesús Lázaron a fiodaillamona navui jillotata.

² Jesús iobillano, Lázaro ie guille rafuena finode. Marta guille bai jonega. Jesús diga guitino motomo Lázaro ite. Jesús llofueoicaiganodicaidi jiai motomo guiticaí.

³ Iemei Mariádi nardomona finoca caimare soride ra Jesús eillimo totade. Daje botella raifi totade. Safenaillena naiñaiño ifotie diga ie eillina dote. Nai caimare soride ra eo raifide. Daje botella ite. Iemona nana jofo jeraidi soride.

⁴ Caimona Judas Iscariote micorina mameciredimie ite. Jesúsna gaitataitimie. Llote:

⁵ —¿Bue ñellena bie soride radi fecañede, ucubena ollena? Fecacadena, trescientos digarui maijia ucube diese raifide. Ie mei nai ucube dueredinomo fecadena, mare —llote.

⁶ Dueredinona naimie duenaiñede; iadedi naimie cai ucubena sedade. Naimiedi firiraima. Naie ucubemona fiuilla jira, iese naimie llote.

⁷ Jesús uai ote:

—Dama ite. Bie soride ra naiñaiño jai eenoga cue fiodaillirui iena.

⁸ Dueredino omoi diga jaca iitimaci; iadedi omoi diga jaca iñeiticue.

Ailluena comini Lázarona ciua rafue

⁹ Lázaro jofomo Jesús illana ailluena cai illaicomini fidiano, bitimaci. Navui fiodaillamona Lázarona Jesús jillotaja jira, Jesúsna dama cioiacañedimaci; iadedi Lázarona jiai cioiacadimaci.

¹⁰ Ie jira Jusiñamui diga nanoca ñairainidi Lázarona jiai meinellemo comeciaina facadimaci.

¹¹ Lázaro muidona ailluena judúuai illaicomini naimaci illa dibeí faínonocaida, Jesúsna #notimaci.

*Jerusalémo illaïma isoi, Jesús marena jailla rafue
(Mt 21.1-11; Mr 11.1-11; Lc 19.28-40)*

¹² Pascua railla rafue illa jira, ailluena comini Jerusalémo itimaci. Egiptomona cai jaiagai jillobil-lana comecillena naie rafue ite. Jesús Lázaro diga guillarui ie areruido Jesús Jerusalémo billana naie comini fididimaci. Fiodaillamona Lázaronona Jesús navui jilloitajana diga comini cioidimaci. Iena llocana uitimaci. Ie jira ailluena comini Jesús dine jaidimaci.

¹³ Raforona uanona, naimiena feiñollena, naimie uicomo jaidimaci. Ado cuiriisite:

—¡Cai Jilloitaraima billa! ¡Jusiñamui mamecido bitimie eo mare! ¡Cai Illaïma eo mare! —cuiiriisite.

¹⁴ Jesúsdi ailli baiga burrito emododo jaide. Jusiñamui facaina lloraima micori jaie llua isoi jaide. Jaie llote:

¹⁵ “Jerusalén imaci, jacinaiñeno. O Illaïma burrito emododo biite”.

¹⁶ Naie facaise bie rafuemo comeciaina facañedicai; iadedi Jesús jillua mei, bie rafuena comeciticai.

¹⁷⁻¹⁸ Lázaronona Jesús jillotaja jira, ailluena comini Jesús dine jaidimaci.

¹⁹ Iena ciuano, fariseuai coniniri ñaitimaci:

—Jaca buena birui finoñedicai. Ailluena comini Jesús díbeimo jai jaidimaci.

Judíuaiñedino Jesúsna cioiacana rafue

²⁰ Judíuaiñedino Jusiñamuina sedallena, pascua railla rafuemo jiai bitimaci.

²¹ Naie facaise cai dine bitimaci. Felipedí Galilea ie Betsaida nairai imiena jira, Felipe dine bitimaci. Felipemo llotimaci:

—Jesúna cioiacadicaí.

²² Felipe iena Andrémo llote. Ie mei Jesúmo lluidiaimaiaí.

²³ Jesús uai ote:

—Monamona biticue; ia jai cue fiodaille facaise ride. Comini cue uaidi siñonana uiñua facaise jai ride.

²⁴ Jiaie rafuedo iena lloiticue. Ido rilla mei, naie ido sicoñenia, buena iñede; iadedi sicuamona, ailluena llisilladi iite. Ie isoide. Cue fiodaiñenia, jaca bu jillobiñeite. Cue fiodaillemona ailluena comini jillobitimaci.

²⁵ Ie abimo ite rafuemo comecina dama bu facaia, ja muidomo faifite; ia cuemo ite rafuemo comecina bu facaia, monamo jaca iite.

²⁶ Cuena bu raise sedaacania, cue rafuedo naimie jaite. Cue llofuegamiena naimie jaillamona, cuemona fueoite. Iemona cue Moodi naimiena caimare itataite.

²⁷ Cue começi jai rucaicuerite; iadedi, ¿niese raiticue? Raiñeiticue: “Moo, cue fiodaillemona cuena jillote”. Fiodaillena biticue. Ie jira raiticue:

²⁸ “Moo, cominina o uai siñonana uiñota”.

Ieconí monamona Jusiñamui llote:

—Jai iena finodicue. Dane iena finoiticue.

²⁹ Jusiñamui ñaiana nainomo ite comini raise cacaiñenano, raitimaci:

—Mona gurude.

Jiaíno raitimaci:

—Naimiemo Jusiñamui jaienicí llote.

³⁰ Jesús uai ote:

—Cue facaina naie lluana cacaiñedomoi; iadedi omoi facaina iena cacadomoi.

31 Cuen a uiñoñedino duere sefuilla facaise ja taineite. Taife anamo comini jai itimaci; ia Jusiñamui Taifena ja anafesitaite.

32 Cruzmo cue fodaia, naimacina jilloitallena, ailluena cominina cue dibeimo itataiticue.

33 –Naimie fodaillana naimaci uiñollena, iese llote.

34 Naie comini uai otimaci:

–Jusiñamui facaina lloraini micoriai jaie cuega: “Cai Jilloitaraima jaca fodaiñeite”. ¿Niese raitio: “Jusiñamuimona biticue; ia fodaiticue”?

35 Jesús dane uai ote:

–Cue llofua dinori omoi comeciaina nia lligaiñoticue. Cue lluomo cacarei. Omoi diga cue nia ia, cue llofuiamo cacarei. Jitiredemo bu macaria, nai illana raise uiñoñede. Ie isoide. Jeacino anamo itinodi jitiredinomo itimaci isoidimaci. Uanaicinona uiñoñedimaci.

36 Jeacino anamona omoi jilloillena, cue llofua uaido omoi comeciaina birui lligaiñoticue. Cue uaina ñno, cue cominina omoi jaillena.

Bie llua mei, Jesús oni jaillano, naimacimona reirite.

Comini Jesús uaina ñnoñena rafue

37 Jesús diga siño rafuena finode; iadedi ailluena comini: “Naimiedi cai Jilloitaraima” raillana nia ñnosifede.

38 Iemona Isaías micori jaie cuegafuiai suide. Naimie jaie cuega:

Jusiñamui, cai lluacinona cacadimaci.

O siño uaido o finoca rafuena jiai cioidimaci; iadedi ñnoñedimaci.

39-40 Isaías micori dane cuega:

Naimaci cioi raillano, Jusiñamui naimacina uisinidino isoi itatate.

Naimaci comeciaymona abina uiñoi raillano, naimaci comeciayna feitate.

Naimayena ñnoi raillano, iese naimacina jai itatate. Ie jira jai ñnonidimaci.

⁴¹ Jusiñamui ie ebirede rafuena naimie ciuamona, Isaías micori iena llote. Isaías micori Jesúsna llote.

⁴² Isaías micori iese llote; iadedi ailluena judíuai illaicomini Jesús uaina ñnotimaci. Fariseuayna jaciruillanona, iena janotimaci. Naimaci ofiracomona naimacina jino dotajana jaciruitimaci.

⁴³ Comini naimacina iobitajana naimaci eo jitailla jira, dotajana jitaiñedimaci. Jusiñamuimo ite iobilacinona raise oiacañedimaci.

Jesús ie Moona ñaya rafue

⁴⁴ Naie facaise Jesús eo ado llote:

—Cuena ñnotimie cuena oretatimiyena jiai jai ñnote.

⁴⁵ Cuena ciodymie cuena oretatimiyena jiai ciode isoide.

⁴⁶ Comini comeciayna lligaiñollena biticue. Ie muidona naga cuena ñnotimie jitiyredinomo jai iñede. Jeacino anamo jai iñede.

⁴⁷ Cue uaina cacajano ñnoñedimiyemo juez isoi birui lloñedicue. Cominyena duere finollena, biñedicue; iadedi naimaci jeacinyomona naimacina jilloitallena biticue;

⁴⁸ ia cuena bu ñnoñenia, cue uaina naimie ñnoñenia, ja muidona faifite. Cue uaina naimie ñnoñellemona, nana naimiyena ñnoñedino janafefillirui mo Jusiñamui naimiyena ico duere finoite.

Cuena jitañedimie, cue uaina jitañedimie comini janafefilliruimo janafefite.

⁴⁹ Dama cue comeci facaja uaido lloñedicue. Cue Moo cuena oretaja muidona, cue Moo cuemo lloga uaido lloticue.

⁵⁰ Cue Moo lloga uaidi naimie dibeimo cominina jaca itatate. Iena uiñoticue. Ie jira cue Moo cuemo lloga uaina jaca lloticue.

13

Jesúdi ie llofueoicaigano eilliaina jocua rafue

¹ Pascua railla rafue riacana areruido ia, Jesús ie Moo dine abido jaiacanana uiñote. Naimaci diga naimie nia ia, ie cominina jaca eo isiruite.

² Jesúsna gaitatallena, naie facaise Taifedi Judas Iscariote micori comecina feidote. Judas micori Simón jito.

³ Jesúdi ie uai ie Moomona feiñuana uiñote. Ie Moo dinena billana uiñote. Ie Moo dine abido jaillena jiai uiñote.

⁴ Nairuido Jesús cai diga guite. Guilla meinoconi, Jesús a naidacaida ie abimo ite iniroina duiñode. Abi dora diga ie moillina ferinote.

⁵ Janorede nogomo jinuina totaja mei, cai eilliaina jocode. Safenaillena, ie dora diga dote.

⁶ Simón Pedro dine naimie ria, Pedro jicanote:

—Nama, ¿cue eillina jiai jocoitio?

⁷ Jesús uai ote:

—Cue finoca rafuena birui uiñoñedio; iadedi jiairuido uiñoitio.

⁸ Pedro uai ote:

—Cue eillina jaca jocoñeitio.

Jesús uai ote:

—O eillina cue jocoñenia, cue facaina iñeitio.

⁹ Pedro uai ote:

—Nama, dama cue eillina jocoñeno. O facaina raise cue illena, cue onolli, cue ifogí diga, jiaí joco.

¹⁰ Jesús uai ote:

—Nana o abina jocoñeiticue. Da o eillina jocoiticue. Jai noidimie mena icaiño noiñede. Ie abi jai jeanide. Dama ie eillina nibai dane jocoacade. Omoí comeciaí jiaí jai jeanide; iadedí omoímona damie comeci nia jearede.

¹¹ Naimiena gaitataiacadimiena naimie uiñua jira, iese llote.

¹² Cai eilliaína jocua mei, ie iniroi dane jitaja mei, dane ana rainadajanona, caímo jicanote:

—Omoímo ailli cue finoca rafuena nibai raise cacaiñedomoí.

¹³ Cuená “Cai Nama” raicabitomoí. “Cai llofueraíma” cuena jiaí raicabitomoí. Iese cuena omoí raía, mare. Ie isoi iticue.

¹⁴ Omoí Namadicue. Omoí llofueraímadicue; iadedí omoí mullaíma isoi iticuedena, omoí eilliaína jai jocodicue. Omoí jamai bué isoidinomona, omoí eilliaína danirie jocua.

¹⁵ Cuenomona fueo. Abi iedoñeno cue isoi omoí jai. Cue afemo iñedomoí.

¹⁶ Uanai omoímo lloticue. Mullaíma ie nama afemo iñede. Oretagamie ie oretatimie afemo iñede. Ie isoide. Cue afemo iñedomoí; ia omoí eilliaína jocodicue. “Jiaímie afemo iticai” railanomo comecina omoí facañeno.

¹⁷ Bicino omoí uiñuamona, iese omoí finoia, caímare iitomoí.

18 Nana omoina iese ñaiñedicue. Nana cue fetocanona uiñoticue. David micori jaie llote: “Cue diga guitinomona damie cuena enoidimie ite”.

19 Bie nia suiñenia, iena jai lloticue. Iena cuemo suilla mei, David micori llogacino raise ñnoitomoi.

20 Uanai lloticue. Cue oretagamiena bu feiñoia, cuena jiai feiñote. Bu cuena feiñoia, cuena oretatimiena jiai feiñote.

*Jesúdi ie gaitataitimiena llua rafue
(Mt 26.20-25; Mr 14.17-21; Lc 22.21-23)*

21 Jesús iese llua mei, ie comeci sunaite. Llote:

—Uanai lloticue. Omoimona damie cuena gaitataite.

22 Caimona ¿nimie naimiena gaitataite? railanona, comecina facajano, coninimo eroridicai.

23 Cuena Jesús eo gaia jira, Jesús abimo iticue.

24 Cuena uaiduanona, Pedro cuemo llote:

—“¿Bu ona gaitataite?” Jesúmo jicano.

25 Ie jira Jesúmo jicanoticue:

—Nama, ¿bu ona gaitataite?

26 Jesús uai ote:

—Bie llomeniconna mutajanona, naimiemo fecaiticue —raite. Mutaja mei, Judas micorimo fecade. Naimie micoridi Simón Iscariote jito.

27 Llomeniconna guilla meinoconi, Taife anamo Judas micori illamona, Taife naimie comecina feidote. Jesús naimiemo llote:

—O finoacaga rana raire fino.

28 Jesús Judas micorimo lluaana raise uiñoñedicai.

29 Judas micori ucubena sedaja jira, jiaino comecina facade: “‘Cai jitaille guille ibarisai’ Jesús

naimiemo llote”. Iese lloñenia, “ ‘Janore ucube dueredinomo feca’ nıbai naimiemo llote”.

³⁰ Guilla mei, Judas micori jino jaide. Naie facaise jai jitireficaide.

Jesús ie fiodaillena ñaia rafue

³¹ Judas micori jailla mei, Jesús llote:

—Jusiñamui mona billanona, imana jaidicue; ia cue fiodaille facaise jai ride. Cue fiodaillmona cominidi Jusiñamui uai siñonana uiñoitimaci.

³² Iemona Jusiñamui uai siñonana comini uiñoia, Jusiñamuidi cominina cue siño Jitona jiai uiñotaite. Iese ja finoite.

³³ Cue comini, dallu omoi diga bene iticue. Jaiticue. Cue diga iacanitomoı. Judıuaı illaıcominimo navui cue llua isoi, omoi mo ja lloiticue. Cue jaillinomo nia jaiñeitomoı.

³⁴ Ie jira jiaie rafuena omoi mo ja lloiticue. Omoi na cue isiruilla isoi, coninina omoi isirui.

³⁵ Coninina omoi isiruillamona, jiaie cominidi cue cominidomoina uiñoitimaci.

Pedro Jesús diga ñaia rafue

(Mt 26.31-35; Mr 14.27-31; Lc 22.31-34)

³⁶ Naie facaise Pedro naimiemo jıcanote:

—Nama, ¿nine jaitio?

Jesús uai ote:

—Cue jaillinomo cue diga ja jaiñeitio. Jiaıruıdo jaitio.

³⁷ Pedro uai ote:

—Nama, ¿bue ñellena ja jaiñeticue? O jitaia, o facaina ja fiodaiticue.

³⁸ Jesús dinena uai ote:

—Cue facaina fiodiacadio. Uanai omo lloticue. Nia monañenia, itava nia ñañenia, dacaiño amani cuena janoitiosa.

14

Jesús ie Moo dinomo rille rafue

¹ Jesús ie llofueoicaiganodicaina nia llofujete:

—Rucaicueriño uri i. Jusiñamuina ñnocana jai.

Cuena jiai ñnocana jai.

² Cue Moo illanomo diga comini illanuai ite. Iese iñedena, omoimo jai lloticue. Omoi illinuaina raise finollena, nainomo jaiticue.

³ Fuiduanona, dane abido biiticue. Omoina cue dine uillena, cue dine omoi illena, biiticue.

⁴ Cue jaillinona birui uiñotomoi. Nainomo omoi rillena jiai uiñotomoi.

⁵ Tomás uai ote:

—Nama, o jaillinona uiñoñedicaí. ¿Ñiese nainomo riiticaí?

⁶ Jesús uai ote:

—Omoi naiso isoidicue. Uanaicinona lloticue. Cue Moo dibeimo cominina jaca itataticue. Cue Moo dine joide naiso isoidicue. Jaca dasode cue Moomo duide naídi. Cue Moo dine o ria, cuena iino.

⁷ Cuena uiñotomoína, cue Moona jiai uiñotomoi. Biruidemona naimiëna uiñoitomoi. Naimiëna jai ciodomoi.

⁸ Felipe uai ote:

—Nama, o Moona caimo acata. Iemo jai macaibaite.

⁹ Jesús uai ote:

—Felipe, are omoi diga iticue; iadedi cuena nia uiñoñedomoi. Cuena ciodimie cue Moona jiai jai

ciode isoide. ¿Ni ese llotio: “O Moona caimo acata”?
Cue Moona jai ciodio isoidio.

¹⁰ Cue Moo diga daajedicoco. Iena nia iñoñedio.
Cue lluađi cue Moo uai. Cue lluađi cue comeđi
iuaiñede. Cue motodo naimie maiđide.

¹¹ Cue Moo diga daajedicocona iño. Cue uaina
omoi iñoñenia, siño rafuena cue finua jira, cuena
iño.

Jesús ie Moo Joreñona llua rafue

¹² Jesús nia llofue:te:

—Uanai lloticue. Cuena omoi iñoia, cue finoca
rafuena jiai finoitomoi. Cue Moo dine cue jailla
jira, cue Moo Joreñona omoi dine cue oretaja mei,
cue finua baifemo finoitomoi.

¹³ Cue Moo uai siñonana omoi uiñollena, buena
cue dibeido cue Moomo omoi jicaia, nana iena
finoiticue.

¹⁴ Cue dibeido omoi jicaia, iena finoiticue.

¹⁵ Cuena omoi isiruia, cue llogacinuaina
iñoitomoi.

¹⁶ Ie Joreño omoi mo fecallena cue Moomo
jiititue. Naie Joreñodi omoina canoite. Omoi diga
jaca iite.

¹⁷ Uanaicinona llocabite. Naimiena naimaci
uiñoñena jira, cuena iñoñedino naimiena
feñonidimaci; iadedi naimie omoi diga illa jira,
naimiena uiñotomoi. Omoi diga jaca iite.

¹⁸ Omoina fainonocaiñeititue; ia dane biititue.

¹⁹ Nano nigarui illanona, cuena iñoñedino
cuena nia cioitimaci. Ie mei cuena cioiñeitimaci;
iadedi fiodaillamona cue jillua mei, cuena nia
cioitomoi. Cue jaca illa jira, jiai jaca iitomoi.

²⁰ Fiodaillamona cue jillua mei, cue Moomo cue
duillana raise uiñoitomoi. Cuemo omoi duillana

jiaï raise uifnoitomoi. Omoïmo cue duillana jiaï raise uifnoitomoi.

²¹ Cue llogacinuaina omoï isirua, cuena isiruitomoi. Ie jira cue Moodi omoïna jiaï isiruite. Omoïna jiaï isiruiticue. Omoïna cuena uifnotaiticue.

²² Iscariotena mamecifeñede Judas naimiemo jïcanote:

—Nama, ¿bue ñellena dani caina ona uifnotaitio; iadedi jiaïe comïna ona uifnotañeïtio?

²³ Jesús uai ote:

—Cuena isiruitïnona cue rafuena uifnotadicue. Bu cuena isirua, cue llogacinuaina ñnoite. Cue Moo naimïena isiruite. Iemona naimïena nabaiticoco.

²⁴ Bu cuena isiruiñenia, cue llogacinuaina ñnoñede. Cue llogacïnodi cuejeñede. Cue Moo ie. Naimie cuena oretate.

²⁵ Omoï diga nia cue illamona, bie llogacinuai omoïmo jai lloticue.

²⁶ Cue Moodi omoïna canollena, naga rafuena omoïna llofuellena, cue facaina ie Joreñaona omoïmo oretate. Omoïna nana omoïmo llogacinuaina comecïtaite.

²⁷ Cue Moo ñine jaiticue; iadedi omoï comeciaina uri itataiticue. Cuena ñnoñedïno omoï comeciaina iese itatanidïmaci. Jarire iñeno. Jaciruiñeno.

²⁸ Ailli cue lluaana cacadomoi: “Cue Moo ñine jaiticue; iadedi dane biiticue”. Cue Moo ñine cue jailla jira, cuena omoï isirua, cueri iobitomoi. Cue Moo cue afemo ite.

²⁹ Bie rafue cuemo nia suiñenia, uicodo omoïmo iena jai lloticue. Naie sua, cuena fainonocaiñeno omoï jaillena jitaïdicue.

30 Omoï dïga are nia ñaiñeiticue. Cuenã ñinoñedino anamo itimie cuena jai duere finoacade. Taifena ñaiticue. Naimie anamo iñedicue;

31 iadedi cue Moona cue isiruillana cuena ñinoñedino uinollena, cue Moo cuemo llua isoi, finoiticue. Mai cai jailli.

15

Uvas railla riarã ie rafue

1 Jesús nia llofueete:

—Cue dibeimo marena omoï illena omoï raise uinollena, jiaie rafuedo iena llofueiticue. Uvas railla ua riaradicue. Cue Moodi uvas railla riarã sedarãima.

2 Cue amena igailaidomoï. Llisiñede igai cue Moo cugaica. Eo llisillena, naga lliside igaina janore muido jaigaica. Ie isoide.

3 Cue llogacinuaido jaillamona, jai jaigaica isoidomoï. Iemona omoï comeciai jai jeanide.

4 Cuenã nabai. Onã jiai nabaiticue. Naie amemo jai duiñena jira, daje dibegaise jaitaca igaidi jai llisiñede. Ie isoide. Cuenã omoï nabaicabiñenia, llisiñede igai isoidomoï. Ie jira cuenã nabai.

5 Uvas railla riaradicue. Cue amena igailaidomoï. Cuemo omoï duiadedi, omoïmo cue duiadedi, eo lliside isoidomoï; iadedi cuemo omoï duiñenia, jaca llisiñede isoidomoï. Cuemo omoï duiñenia, cue jitailla isoi mare rafuena jaca finoñeitomoï.

6 Jai duide igailai safenailla mei, maraiñena jira, jobaillena, danomo ofitaticai. Cuemo duiñedimie jai duide igai isoide. Jusiñamuimona duere sefuite.

⁷ Cuenā omoꝑ nabaia, cue uaina omoꝑ feitañenia, omoꝑ jitaile rana jica. Ie mei feiñoitomoꝑ.

⁸ Eo lliside omoꝑ isoia, cue Moo iobide. Iese omoꝑ ia, ua cue cominidomoꝑ. —Iese Jesús llofujete; ia naimie dibeimo naimaci raise illena ñaite. Mare rafuena naimaci finocana jaillena ñaite.

⁹ Nia llofujete:

—Cuenā cue Moo isiruilla isoi, omoꝑna isiruiticue. Cuenā nabaicabi.

¹⁰ Cue Moo llogacinuaina cue ñnuamona, naimie isiruillacino anamo iticue. Cue Moo llogacinuaina omoꝑ ñnuamona, cue isiruillacino anamo itomoꝑ.

¹¹ Cue isoi omoꝑ comeciai eo caimarellena, bicinuai omoꝑmo lloticue.

¹² Dane bie rafuena lloiticue. Omoꝑna cue isiruilla isoi, coninina omoꝑ isirui.

¹³ Naimaci o isiruillamona, o nabaiñiaꝑ facaina o fiodaia, naimacina eo ua isiruitio.

¹⁴ Cue llogacinuaina omoꝑ ñnoia, cuena nabaidomoꝑ.

¹⁵ Omoꝑna “Cue mullaiaꝑidomoꝑ” jaca raiñedicue; iadedi omoꝑna “Cue nabaiñiaꝑidomoꝑ” birui raiticue. Mullaiaꝑ imaci patrón finoca rafuena uiñoñedimaci. Ie jira nana cue Moomona cue cacaja rafuena omoꝑmo jai lloticue. Ie jira nana cue rafuena jai uiñotomoꝑ.

¹⁶ Cuenā fetoñedomoꝑ; iadedi omoꝑna fetodicue. Omoꝑ lliside isoicabillana omoꝑmo jai lloticue. Ie mei buena cue mamecido cue Moomo omoꝑ jicaia, omoꝑmo fecaite.

¹⁷ Coninina omoꝑ isiruillena jai lloticue.

Comini Jesúna enoilla rafue

¹⁸ Jesús nia llofujete:

—Cuenta ñoñedino omoina enoia, nano cuenta jai enoidimaci. Iena uiñotomoi. Omoina nia enoiñenia, cuenta jai enoidimaci.

19 Naimacimo jainaiadomoina, omoina isiruitimaci; iadedi naimacimo omoi jainaiañena jira, omoina cue fetua jira, omoina enoidimaci.

20 Omomoi jai lloticue. Illaima duere sefua, naimie anamo itino jiai duere sefuidimaci. Ie isoide. Cuenta comini duere finua isoi, omoina jiai duere finoitimaci. Cue llofuiacinona naimaci ñnua isoi, omoi llofuiacino jiai ñnoitimaci.

21 Cuenta oretatimiena naimaci uiñoñena jira, cue muidona iese finoitimaci.

22 Naimacimo ite jeacinona naimacimo lloñedicuenta, naimacimo ite jeacinona uiñoñedimaci. Cue rafuena naimaci cacajamona, naimacimo ite jeacinona jai uiñotimaci. Naimacimo jeacino nia ia, naimaci muidona.

23 Cuenta enoidimiedi cue Moona jiai enoide.

24 Eo siño rafuena naimaci motomo finodicue. Buna cue isoi jaca finoñede. Iena finoñedicuenta, naimacimo ite jeacinona uiñoñedimaci. Cue siño finoca rafuena jai ciodimaci. Ie jira cuenta enoidimaci. Cue Moona jiai enoidimaci.

25 Naimacina David micori jaie llote: “Naimacimo buena finoñedicue; ia cuenta enoidimaci”. Naie ciegafuiai jai suide.

26 'Cue Moo ie Joreño omomoi oretaita. Ie Joreño omoina canoite. Omoina uanaicinona uiñotaite.

27 Cue nano lluaruimona cue diga omoi illa jira, cue facaisena jiai raise lloitomoi.

Judúuái illaicomini Jesús llofueoicaiganona duere finua rafue

¹ Jesús nia llofujete:

—Danomo abido omoi jaiñellena, cue uaina omoi fañonocaiñellena, bicinuai omoimo ja lloiticue.

² Omoi ofiracomona illaicomini omoína dotaitimaci. Jai ruidó omoína meiniamona: “Jai Jusiñamuina marena sedadicaí”, comeciaina facaitimaci.

³ Cuená naimaci ñnoñena jira, cue Moona jai naimaci ñnoñena jira, iena finoitimaci.

⁴ Bie rafue omoimo suia, naie facaise cue lluaña omoi comecillena, omoimo birui lloiticue. Omoi diga cue illa jira, navui iena lloñedicue; iadedi omoimona birui oni jaiticue.

Jesús Jusiñamui Joreñona llua rafue

⁵ Jesús nia llofujete:

—Cuená oretatimie dine ja jaiticue; iadedi omoimona buna: “¿Ñine jaitio?” cuemo jaca nia jicanoñede.

⁶ Omoimo bie rafue cue llua jira, omoi comeciái eo sure ite. Ie jira cue jaillinona jicanoñedomoi.

⁷ Uanai lloiticue. Cue jaia, mare. Cue jaiñenia, omoína canoraíma omoi dine biñeite. Cue jaia, omoi dine naimiena oretaiticue. Jusiñamui Joreñodi omoi canoraíma.

⁸ Naimie bia, cuená ñnoñedinona naimacimo ite jeacimona uiñotaite. Naimiedi Jusiñamui marena naimaci illana jitaillana uiñotaite. Naimiedi Jusiñamui naimacina duere finollena jai uiñotaite.

⁹ Cuená naimaci ñnoñenia, naimacina naimacimo jeacino nia illana uiñotaite.

10 Cue Moo dine abido cue jaillinona, cuena cioiñeitimaci; ia iemona Jusiñamui Joreño cue uaina siñonana uiñotaite.

11 Fiodaillemona jilloiticue. Iemona cuena inoñedino anamo itimiedi cue Moo janafefillacino anamo iite. Taifena ñaiticue. Cue finoca rafue muidona, cue Moo Joreñodi cominina, cue Moo Joreñodi cominina naie janafefillemona jilluana uiñotaite.

12 Diga rafue omoimo nia lloiacadicue; iadedi jai rairafaidomoi.

13 Jusiñamui Joreño bia, omoimo nana uanaicinuaina llofueite. Dama ie facaina llofueñeite; iadedi ie cacajacinodo llofueite. Jiairuido suille rafuena llofueite.

14 Omoina cue rafuena uiñotaite. Ie jira cuena iobitaite. Nana cue Moomo ite uaidi cueje.

15 Ie jira bie rafuena lloticue. Jusiñamui Joreño omoina cue rafuena raise uiñotaite.

Sunaillamona caimare illa rafue

16 Jesús nia llofueite:

—Dallu illanona cuena cioiñeitomoi. Ie mei dallu illanona, cuena dane cioitomoi.

17 Ie llofueoicaiganodicaimona damierie dani coninimo jicanodosite:

—¿Ñiese caimo llote: “Dallu illanona, cuena cioiñeitomoi. Ie mei dallu illanona, cuena dane cioitomoi. Cue Moo dine jaiticue”?

18 ¿Buena caimo llote? Raise cacaiñedicaí.

19 Cai jicanuana Jesús uiñuanona, naimie jicanote:

—¿Cue lluana raise uiñoiacadomoi?

20 Cuemo suille rafue suia, eo eeditomoi; iadedi cuena ñnoñedino eo iobitimaci. Sunaitomoi; iadedi jiairuido caimare iitomoi.

21 Jiaie uaido iena lloiticue. Riño jocoacania, naiñaiño jigico isirede. Jocua mei, naiñaiño urue jeiciamona, isirenadi feibicaide. Iemona jai iobide.

22 Ie isoide. Ja sunaitomoi; iadedi dane omoina cioiticue. Fiodaillamona cue jillua mei, dane cuena cioitomoi. Ie mei caimare iitomoi. Iemona omoina buna sure itatañeite.

23 Nairuimo cuemo buena jicañeno; iadedi cue Moomo jica. Ie mei cue muidona naimie omoimo fecaite.

24 Cue mamecido cue Moomo buena jaca nia jicañedomoi. Jica. Ie mei feiñoitomoi, omoi comeci eo caimare illena.

Jiairuido Jesús marefodo llua rafue

25 Jesús nia llofuede:

—Jiaie uaido bicinona omoimo jai lloticue. Jiairuido iese lloñeiticue. Omoina cue Moona marefodo lloiticue.

26 Nairuimo cue Moomo omoi facaina jicañeiticue. Cue mamecido cue Moomo omoi jitaillacinona dani jicaitomoi.

27 Omoina naimie isiruillamona, omoimo fecajite. Cuena omoi isiruilla jira, cue Moomona cue billana omoi ñnua jira, cue Moo omoina isiruite.

28 Cue Moomona eniruemo biticue. Naimie dine abido jaiticue.

29 Lloticai:

—Jai marefodo caimo llotio. O uaina meidocana jai uiñedio.

³⁰ Nana rafuena o uiñuana uiñotícaí. Cai comeциаímo iticinona o uiñuamona, caina raise uiñotío. Iemona Jusiñamuimona o billana jai ñnotícaí.

³¹ Jesús uai ote:

—Cuenta jai ñnotomoi.

³² Jiaíruido, ua birui, oni tuuitomoi. Nagamíai jofomo omoi jailla mei, dama ifoconi fiebitícue; iadedí dama ññeitícue. Cue Moo cue diga iite.

³³ Cuenta omoi ñnuano, omoi uri illena, omoi mo bie llotícue. Eníruemo omoi ia, jaca duere sefuit-omoi; iadedí omoi comeциаína ocuiño. Omoi na duere finodinona jai cue emodofilla jira, omoi comeциаína ocuiño. Naimaci baífemo faitícue.

17

Jesús ie Moo diga ñaia rafue

¹ Jesús bicinona llua mei, monamo eruailano, jide:

—Moo, cue fiodiacanarui jai ride. Cue uai siñonana uiñota. Iemei o uai siñonana jiaí uiñotaitícue.

² Nana comini afemo cuenta jai itatatio. Imana cue jaillamona, nana comini afemo cuenta jai itatatio. Comini comeциаí iuaina o meidotajamona, cue fiodaillamona, ailluena comini o diga jaca iitimaci.

³ Ona nanoca Jusiñamuina uiñoitimaci. Jai cuenta o oretajana jiaí uiñoitimaci.

⁴ Ailluena siño rafuena jai finodícue. Nana o cuemo lloga rafuena cue finuamona, bene ona jai iobitadícue.

⁵ Ore Moo, enirue nia iñena facaiseconi o diga iticue. Illaïma isoi o ecimo dane ebire iacadicue. Dane cuemo ine, daje isoi coco illesa.

⁶ Comini comeciai iuaina o meidotajamona, naimacina jai llofuecabiticue. O anamo naimaci il-lamona, omo ite rafuena llofuecabiticue. Iemona o rafuena ñnocana jaidimaci.

⁷ Nana cuemo ite rafue omona feiñoticue. Iena jai uiñotimaci.

⁸ Nana cuemo o llogacinuaina naimacimo jai lloticue. Jai ñnotimaci. Omona cue billana jiai jai ñnotimaci. Cuen a o oretajana jiai ñnotimaci.

⁹ Naimaci facaina birui jidicue. Naimacina cuena ñnotadio. Ie jira omo jai duidimaci. Ona ñnoñedino facaina birui jiiñedicue.

¹⁰ Nana o dibeimo itinodi cueje. Nana cue dibeimo itinodi oie. Nana naimaciri iobidicue.

¹¹ Bene eniruemo fiebitimaci. Eniruemona monamo jaiticue. O dine abido jaiticue. Ore Moo, jeacino naimaci finoï raillano, o anamo o uai diga naimacina seda. Coco comeci lloilla isoi, naimaci daje isoi comeciaina lloita.

¹² Naimaci diga nia cue ia, naimacina cue anamo sedadicue. Naimacina raise sedadicue, naimaci feirai raillano. Naimaci motomona dama Judas feiraite. Jusiñamui lloraima micori ciegafuiaï suil-lena, naimie ua faifite.

¹³ O dine ja jaiticue. Cue isoi naimaci comeciai eo camare illena, naimacimo ailluena rafuena jai lloticue.

¹⁴ O llogacinuaina jai lloticue. Ona ñnoñedinomo naimaci jainaiañena jira, ona ñnoñedino naimacina enoidimaci. Ona ñnoñedinomo jai jainaiañedicue.

15 Enirue mona birui o naimacina uana jicanoñedicue; iadedi Taifemona naimacina o sedajana birui jicanoticue.

16 Ona ñnoñedinomo jainaiñedicue. Ona ñnoñedinomo jiai jainaiñedicue.

17 O llogacinuaido naimacina marena itata. O llogacinuaidi uanaicino. O jitaillacinona naimaci finollena, o uai naimaci comeciaino raise itata.

18 Bene cuena o oretaja isoi, ona ñnoñedino dine naimacina oretaticue.

19 Uanaicinona naimaci uiñuamona, naimaci comeciaino marebicaillena, cuena ñnotino facaina fioidaicadicue.

20 Bimacina birui dane jññedicue; iadedi bimaci cue rafuena ico lloia, jiaie comini cuena ñnoitimaci. Cuena ico ñnoitino facaina birui jiai jññedicue.

21 Daajedicoco. Coco illa isoi, naimaci comeciaina daje isoi lloillena, nana naimaci facaina jññedicue. Daje isoi comeciaino lloillamona, cuena ñnoñedinodi ñnoitimaci. Iemona cuena o oretajana ñnoitimaci.

22 Cuemo o iga uaidi ebirede. Naimaci comeciaino lloillena, naimacimo o uai jai cue iga.

23 Naimaciri dajedica. O diga daajedicoco. Naimaci comeciaino daje isoi lloillana jitaidicue. Iemona cuena ñnoñedino bene cuena o oretajana uiñnoitimaci. Cuena o isiruilla isoi, naimacina o isiruillana jiai uiñnoitimaci.

24 Ore Moo, naimaci cue dine illena jitaidicue. Enirue nia iñenia, illaima isoi o ecimo ebire jai iticue. Dane ie isoi ebire birui cue ia, naimaci cuena ciuana jitaidicue.

25 Ore Moo, mareuidimedio. Jiaie comini ona

uiñoñedi maci; iadedi ona uiñoñotie. Cue llo-
fueoicaiganodi o cuena oretajana jai uiñoñotimaci.

²⁶ Naimacimo ona jai llotie. O cuena isiruilla
isoi coninina naimaci isiruillena, naimacimo nia
lloitie —jiide.

18

Jesúna gaitalle rafue

(Mt 26.47-58; Mr 14.43-54; Lc 22.47-54)

¹ Jiaa mei, Jesús ie llofueoicaiganodicaí diga, Ce-
drón railla iconi enefebeimo ruica aceituna railla
riaraiaí illanomo naiona jaide.

² Jesús caí diga nainomo jaisoilla jira, Judas
micori naie illanona jiaí uiñoñote. Jesúna gaitatallena
nainomo Judas jaide.

³ Soldaduai diga policías diga jaide. Naimacina
ifode. Jusiñamui diga nanoca ñairaini naimacina
oredimaci. Fariseuai naimacina jiaí oredimaci.
Soldaduaídi lamparíñairi bitimaci. Reinaíairi jiaí
bitimaci. Sidanaíairi jiaí bitimaci. Judas naimacina
ifode.

⁴ Jesúsdi nana naimiemo suille rafue uiñuanona,
naimaci dine billano, jicanote:

—¿Buna jenodomoí?

⁵⁻⁶ Uai otimaci:

—Nazaret ie Jesús.

Jesús uai ote:

—Imiedie.

Iena cacajano, jacinaillamona, abido
ñaijillamona, eniruemo uaidimaci. Jesúna
gaitatallena, Judas micori naimaci diga ite.

⁷ Jesús dane jicanote:

—¿Buna jenodomoí?

Uai otimaci:

—Nazaret ie Jesús.

⁸ Jesús uai ote:

—Omoimo jai lloticue: “Imiedicue”. Cuen a omoï jenoia, cue diga itino oni jaillena rairuiño.

⁹ Naimie ie Moomo como lloga uai suillena, iese llote. Iese ie Moomo como llote: “Cuen a o ñnotaganomona jaca buna faifiñedicue”.

¹⁰ Ie daacaiño Simón Pedroï ie lloebi llinocaida, Jusiñamui diga nanoca ñairaima mullaïma jefona jaïbonote. Naie mullaïma mamecidi Malco.

¹¹ Iena cïuanona, Jesús Pedromo llote:

—O lloebina eeno. Cue Moo jitailla isoi, fiodaiticue.

¹² Ie mei soldaduai, imaci capitán diga, judíuai imaci policías diga, Jesúna gaitajano, naimiena maïtimaci.

¹³ Anás dine nano uitimaci. Anásdi Caifás jifai. Caifásdi Jusiñamui diga nanoca ñairaima.

¹⁴ Navui Caifás judíuai illaïcominimo llote: “Damie nana cai comini facaina fiodaitena, mare”.

Pedro Jesúna nano janua rafue

(Mt 26.69, 70; Mr 14.66-68; Lc 22.55-57)

¹⁵ Simón Pedro Jesús jinafo racade. Jiaï racadicue. Cuen a Jusiñamui diga nanoca ñairaima uïña jira, ie nairaibirimo Jesús diga jaidicue;

¹⁶ iadedi Pedro nasemo fiebicaide. Ie jira jino abido jaillano, Pedro fo atillena, nasena sedaraiño mo jicanoticue.

¹⁷ Naiñaiño Pedromo llote:

—Jesús llofueoicaigano imiedio.

Pedro uai ote:

—Ieñedicue.

18 Rosirena jira, naie jofo mullaiaí, policías diga, cooci diga irai bonodimaci. Agaillena irai ecimo naidaidimaci. Agaillena Pedro naimaci motomo jiaí ite.

Jesús Anás dine illa rafue

(Mt 26.59-66; Mr 14.55-64; Lc 22.66-71)

19 Ie facaise Anás Jesúmo ie llofueoicaiganodicaina jicanote. Ie llofuiacinuaina jiaí jicanote.

20 Jesús dinena uai ote:

—Nana cominimo marefodo lloticue. Omoi ofiracuaimo jaca llofuecabiticue. Jusiñamui jofomo jiaí jaca llofuecabiticue. Nainomo nana o comini oficabidomoi. Bainino buena jaca lloñedicue.

21 ¿Bue ñellena birui cuemo jicanotio? Cuena cacadinomo iena jicano. Cue llofuiana uiñotimaci.

22 Iese Jesús llua jira, daje policia naimie uiecona butade. Jesúmo jicanote:

—¿Bue ñellena iese uai otio?

23 Jesús dinena naie uai ote:

—Naimie uai jeare oticuena, cuemo llono. Jeare oñedicuemo, ¿bue ñellena cuena butadio?

24 Jesús uai oñede. Iemei Anásdi Caifás jofomo Jesús maianona orede.

Pedro Jesúsna dane janua rafue

(Mt 26.71-75; Mr 14.69-72; Lc 22.58-62)

25 Ie facaise Pedro irai ecimo nia agaide. Nainomo itino naimiemo llote:

—Jesús llofueoicaigano imiedio.

Pedro janote:

—Ieñedicue.

26 Naie facaise daje mullaíma Pedromo llote:

—Aceitunas railla riarai illanomo ona ciodicue
—llote. Jusúna soldadaui gaitaja facaiseconi Pedro
naie mullaíma ie come jefona ailli jaíbonote, sol-
dadaui Jesúna gaitaja ie daacaiño.

²⁷ Pedro dane janote. Ieconí itava ñaite.

Jesús Pilato dine illa rafue

(Mt 27.1-2, 11-14; Mr 15.1-5; Lc 23.1-5)

²⁸ Ie mei Caifás jofomona gobernador jofomo
Jesúna jitiramo uitimaci. Naie facaise guber-
nadori Pilato. Naimiedi judíuaiñedimie. Naimaci
einamaci rairuilla jira, judíuaiñedimie jofomo naie
facaise fo jaiñedimaci. Fo jaiadedi, pascua railla
rafue guiledi guiñega.

²⁹ Ie jira Pilato jino bite. Naimacimo jicanote:

—¿Nie isoide rafue muidona llogidotomoi?

³⁰ Uai otimaci:

—Bimie maraiñede rafue finoñedena, o dine
naimiena atiñedicaí.

³¹ Pilato llote:

—Naimiena uiño. Omoi einamaci llogacinuaido
naimiena duere fino.

Uai otimaci:

—Come meinellena caimona rairuidomoi.
Naimie coraiana jitaídicaí —llotimaci.

³² Navui Jesúsdi: “Cuenta cruzmo coraitimaci”
llote. Naie llucino jai suisaide.

³³ Pilato fo abido jaillano, Jesúna uaiduano,
naimiemo llote:

—Judíuai illaíma raillamiedio.

³⁴ Jesús dinena jicanote:

—¿O comecina dama iese facajano llotio? Iese
comecina o facañenia, jiaimie omo lloga.

³⁵ Pilato uai ote:

—Judío imieñedicue. O rafue raise uiñoñedicue. Omoí comini cuemo ona fecadimaci. Jusiñamui diga nanoca ñairaini cuemo jiai fecadimaci. ¿Nie isoide marañede rafuena finodio?

³⁶ Jesús uai ote:

—Eniruemo cominina sedañedicue. Judíuai illaicomini cuena gaitañellena, eniruemo cominina sedadicedena, cue comini cue facaina fuiridimaci.

³⁷ Pilato uai ote:

—Ie jira odi illaimadio.

Jesús uai ote:

—Jaca railla. Uanaicino lollena, jeicigacue. Nana uanaicinona jitaidino cue lluaana cacadimaci.

³⁸ Pilatodi Jesús uaina uaitajamona, raite:

—¿Nie uai naidi uaina?

Ie mei dane jino billano, cominimo llote:

—Jaca nicino naimiemo iñede.

Jesúna coraiacana rafue

(Mt 27.15-31; Mr 15.6-20; Lc 23.13-25)

³⁹ Pilato nia llote:

—Naga año pascua railla rafue illa facaise, damie cárcelmona jino ollena, cuemo jicanuaibisoidomoi. Bie año omoí jitaia, omoí illaíma raillamiena marena oretaiticue.

⁴⁰ Comini dinena cuiriidimaci:

—Dama ite. Bimiena jitañedicai. Barrabásna cárcelmona marena jino oreta. —Iese cuiriidimaci. Barrabásdi firiraíma.

19

¹ Ie mei Pilato Jesúna oni uillanona, naimiena sechedotade.

² Jifanodosillena, soldaduai eecuaimona finoca nuiciraina naimie ifogimo jitadimaci. Jiduirede iniroina jitatajano raitimaci:

³ —Judíuái illaimadio. —Iemei ie uiecona bucoidimaci.

⁴ Pilato dane jino billano, raite:

—Naimie omoi dine jino ja biite. Naimiemo nicinodi iñede —raite.

⁵ Ie facaise Jesús jino bite. Eecuaimona finoca nuiciraina jitaca. Jiduirede iniroina jitaca. Pilato naimacimo llote:

—Jadi, naimie.

⁶ Jusiñamui diga nanoca ñairainidi, jiaie illaicomini diga, naimiena cuano, cuiiriidimaci:

—Naimiena corai.

Pilato llote:

—Naimiemo nicinodi iñede; ia oni uillanona, naimiena omoi corai.

⁷ Uai otimaci:

—Moisés micori jaie cueba: “Bu Jusiñamuina jeare ñaianona, fiodailla”. “Jusiñamui Jitodicue” naimie railla jira, naimie fiodailla. Naimie Jusiñamui Jitona abina caitadimie. Caimona naimiedi maraiñede rafue jai finode.

⁸ “Naimiedi Jusiñamui Jito” comini raillana Pilato cacajano, eo jacinaite.

⁹ Jesúsna dane fo uite. Jesúsdi Jusiñamui Jitona naimie raise uiñollena, Jesúsno jicanote:

—¿Ninena bitio?

Jesús uai oñede.

¹⁰ Ie jira Pilato dane jicanote:

—¿Bue ñellena cue uaina oiacañedio? Uai cuemo ite, o marena oretallena. Uai cuemo ite, ona coraitallena.

11 Jesús uai ote:

—O anamo Jusiñamui cuena itataja jira, o uai ite, cuemo lollena. Ie jira omo cuena fecadino o bai femo jeacino finodimaci.

12 Ie facaimona Pilato Jesús marena jino oretaiacade; iadedi judíuai illaicomini dinena cuiriisite:

—Bimie o jino marena oretai, cai nanoca illaima ie nabaiñedio. “Illaímadicue” Jesús llua mona, cai nanoca illaima díbeimo naimiedi ñede. Cai nanoca illaímadí César.

13 Comini llua na cacajano, Pilato Jesúsna jino atide. Ie cominimo lloranomo raide. Naie illano nofinina mameciredede. Judíuai uaido Gabatana mameciredede.

14 Pascua rafue guilla finorarumo jitoma naidai illanona, Pilato dinena llote:

—Jadi, omoi illaíma.

15 Iemona cominidi cuiriisite:

—¡Naimie oni uillanona, naimiena meine!
¡Naimiena coraí!

Pilato jicanote:

—¿Bue ñellena omoi illaímana coraíticue?

Jusiñamui díga nanoca ñairaini uai otimaci:

—Cai illaímadí César. Jiaie illaímadí caímo ñede. Jaca dallaimade cai illaímadí.

16 Ie mei Pilato naimacimo naimiena fecade, coraíllena.

Jesúna coraíacana rafue

(Mt 27.32-56; Mr 15.21-41; Lc 23.26-49)

Pilato llua jira, Jesúsna uitimaci coraíllena.

17 Jesúsdi ie cruzna rocaoicaída sonode. Ifocoraína eruaila mameciredede illanomo jaidimaci. Judíuai uaido naie illano Gólgotana mameciredede.

18 Nainomo naimiena coraidimaci. Naimie abimo menamie coraica. Damie Jesús nabeimo. Jiaimie jarifebeimo.

19 Cruzmo jonellena, Pilato rabricimo cuetatate: “Nazaret ie Jesús. Judíuai Illaíma”.

20 Judíuai uaido cuega. Romanos comini uaido jiai cuega. Griego uaido jiai cuega. Jesús coraiano Jerusalén ianori illa jira, ailluena comini iena cioidimaci.

21 Iena ciuamona, naie rabricina meidollena, Jusiñamui diga nanoca ñairaini Pilatomo llotimaci: —“Judíuai Illaíma” raillano jai cuetatatio. Iena meiduana jitaídicaí. Bimie dinena raisoide: “Judíuai Illaímadicue” raillanona, o cuetatajana jitaídicaí

22 Pilato uai ote:

—Jai cuetataticue. Jiaie rabricimo dane cuetatañeiticue.

23 Jesúna coraia mei, soldaduai naimie iniroi uanona, naga soldado digamie jonega iniroi. Nagaamaga soldaduai ite. Ie camisa fiebide. Naie daje jamai nigaroi.

24 Ie jira dani coniniri ñaitimaci:

—Bie camisa cuaranoñeiticaí, dani cai fecallena. Mai. Conima jabomaiticaí, iena ollena. —Iese finuano Jusiñamuina lloraíma micori cuegafuiai suide. Jai cuega: “Cue iniroi dani naimacimo fecaitimaci; iadedi cue camisa ollena, conima jabomaitimaci”. Iese finodimaci.

25 Cruz abimo Jesús ei, ie euiño diga ite. Cleofas aidi ite. Naiñaiño mameci María. María Magdalena jiai ite.

26 Jesús ie eina cide. Cuena naiñaiño ecimo jiai cide. Cuena eo gaide. Ie jira ie eimo lote:

—Jadi, o jito isoi itimie anamo iitio.

27 Cuemo llote:

—Jadi, o ei isoidiñaiño anamo iitio.

Naie dacaiño naiñaiñoña cue jofomo uillanona, naiñaiñoña sedadicue.

28 Ie mei Jesús nana rafue jai fuillana uiñuano, llote:

—Jiroacadie. —Iese lluanona, Jusiñamuina lloraima micori jaiie ciegafuia jai suide.

29 Nainomo llerojimo vino ite. Radosimo fibecode rana joniano, vinomo faite. Iemei Jesús mo fecade jaronollena.

30 Iena jaronuano, Jesús llote:

—Cue maijia jai fuite. Jai macaibaite. —Ie ifogi ana jitadacaida, fiodaite.

Jesús sida diga ducia rafue

31 Pascua railla rafue guille finuarui illa jira, judíuai illaicomini Pilato dine jaidimaci. Raire fiodaillena, coraicano idaiaina uellullena naimiemo jicanuaidimaci. Sábado rafue ie nairui nia illanona, sábadorui jai raire taineacana jira, coraicano cruzmo sábadoruimo illana jitaiñedimaci.

32 Soldaduai jaillano, Jesús ecimo coraica iaiaiaia idaiaina uellude.

33 Jesús dine billano, naimie jai fiodaillana cioidimaci. Ie jira naimie idaiaina uelluñedimaci;

34 iadedi daje soldado Jesús ciraigiconi sida diga ducide. Naifo diaide. Naifomona jinui jiai bite.

35 Nana iena ciodicue. Uanai lloticue. Omoi ñnollena, iena lloticue.

³⁶ Soldaduai iese finuamona, jaie ciegafuiai jai suide. Jaie Jesúsna cueda: “Naimie illaicina tainoñeitimaci”.

³⁷ Jiai jaie cueda: “Judíuai dinena naimaci ducitagamiemo ico eruaítimaci”.

Nofici ifomo Jesús raia rafue

(Mt 27.57-61; Mr 15.42-47; Lc 23.50-56)

³⁸ Naie facaise Pilato dine José raillamie jaide. Cruzmona Jesús abi oni ollena, Pilatomo jicanuaide. Josédi Arimatea nairai imie. Pilato fairiote. Ie jira José Jesús abi ana uanona, iena oni uite. Judíuai illaicominina naimie jaciruillanona, Jesúsna bainino ñnote.

³⁹ Nicodemo jiai bite. Siorede rana atide. Mirra áloe diga jai tamiano atide. Nibai treinta kilos atide. Naimiedi Jesús dine naiona navui bite.

⁴⁰ José, Nicodemo diga, Jesús abina useroina ferinotiaimaiai. Naimaci comini finouilla isoi, naie siorede radi ñnroimo jonega.

⁴¹ Amenaiai iaire illanomo Jesúsdi coraica. Nainomo nofici ie raiafodi ite. Nia buna naifomo raíñenafo.

⁴² Naifo iaire illa jira, sábadorui jai riacana jira, jiaie raiafo jenollena abi juanina jira, nainomo naimiena jonetiaimaiai. Nofici diga raiafo raise ibailla mei, jofomo jaidiaimaiai.

20

Fiodaillamona, Jesús jillua rafue

(Mt 28.1-10; Mr 16.1-8; Lc 24.1-12)

¹ Domingo jítiramo nia monañenia, raiafomo María Magdalena jaide. Raiafo ibailla nofici oni joillana ciode. Jesús abina cioñede.

² Ie jira aisicana Pedrona jenuaide. Cuenai jia jenuaide. Baillano, llote:

—Cai illaicomini cai Nama abina raiafomona otimaci. Naimiena jonianona uifioñedicue.

³ Ie mei raiafomo jaidicoco.

⁴ Aisicana jaidicoco; iadedi riire cue aisicana jailla jira, nano ridicue.

⁵ Ana bitadacaida, fo erodatucemo, useroi joillana ciodicue; iadedi fo jaiñedicue.

⁶ Ie mei Simón Pedro rillano, fo jaide. Useroi joillana jia ciode.

⁷ Ie ifogimo ferinoga iniroi eneno illana ciode. Raise nacuana ciode.

⁸ Iemei jia fo jaidicue. Iniroina ciuamona, Jesús jai jilluana inoticue.

⁹ Jaie cuegafuia llote: “Fiodaillamona jilloite”. Naie cuegafuiaina como raise inoticoco.

¹⁰ Ie mei jofomo jaidicoco.

*María Magdalenamo Jesús bairia rafue
(Mr 16.9-11)*

¹¹ Raiafomo abido billano, coco jailla mei, nainomo María fiebide. Eede. Ana bitadacaida, fo erodatemo,

¹² Jusiñamuimona mena jaienici jai billana ciode. Userede iniroi jitadiaimaia. Jesúna navui jonianomo ana raidiaimaia. Damie ifogi dibeimo raide. Jaimie eilli dibeimo raide.

¹³ Naiñaiño jicantiaimaia:

—¿Bue ñellena eedio?

Naiñaiño uai ote:

—Cue Namana bu oni uillanona, naimiena jonianona jai uifioñedicue.

¹⁴ Naie facaise jinafo dine erocailanona, Jesúsna ciodé; iadedi naimiena uiñoñede.

¹⁵ Naiñaiño comecina facade; “Naimiedi bie il-lano sedaraima”. Jesús naiñaiño mo jicanote:

—¿Bue ñellena eedio? ¿Bu jenodio?

Naiñaiño uai ote:

—Jesúna o uia, naimie jonianona cuemo llono. Ie mei naimiena oni uiticue.

¹⁶ Jesús dinena uai ote:

—¡María!

Naimie dine naiñaiño como raise dobaicaide. Judíuai uaido llote:

—¡Raboni! —Naie uai oni dobaiñuamona: “Llo-fueraima”.

¹⁷ Jesús uai ote:

—Cuená llinoñoeno cuena faicai. Cue Moo dine nia a jaiñedicue. Cue amatiaí dine mai jaiñanona, cue rafuena lluai. Cue Moo dine jaiticue. Naimiedi cue Jusiñamui. Naimie jiaí omoi Moo. Jiaí omoi Jusiñamui.

¹⁸ Ie jira María Magdalena Jesús llo-fueoicaiganodicaímo lluaíbite:

—Cai Namana jai ciodicue. —Iemei caímo naimie naiñaiño mo lluaína llote.

Jesús ie llofueoicaiganomo bairia rafue

(Mt 28.16-20; Mr 16.14-18; Lc 24.36-49)

¹⁹ Domingo naio Jesús llofueoicaiganodicaí jofomo ofidicaí. Judíuai illaícominina caí jaciruillamona, nasiaí nana caí ibaica. Nase econoñoeno ieconi Jesús caí motomo billanona, caina uaiduano, llote:

—Uri omoi i.

²⁰ Ie onollina acatate. Ie ciraigina jiaí acatate. Cai Namana jai caí ciuari eo iobidicaí.

21 Jesús dane llote:

—Uri omoi i. Cue Moo cuena oretaja isoi cue rafuena llollena, omoina oretaiticue.

22 Ie facaise caina firaiñuanona, raite:

—Jusiñamui Joreñona omoi feiñuana jitaídicue.

23 “O jeacina jai dotade” bumo omoi lloia, Jusiñamui jai dotaca. “O jeacina nia dotañede” bumo omoi lloia, Jusiñamui nia dotañega.

24 Naie naio Tomásna mameciredede llofueoicaigamie cai diga iñede. Dídimona jiai mameciredede. Naimiedi gorasa.

25 Naimiemo llotica:

—Cai Namana ailli ciodica.

Tomás uai ote:

—Clavo ifona naimie onolli jeraimo cue cioñenia, naie ifona cue jetañenia, naimie ciraigi ifona cue jetañenia, ñnoñeiticue.

Jesús ie llofueoicaiganomo dane bairia rafue

26 Ocho digarui illanona, Jesús llofueoicaiganodicai dane ofillano, Tomás cai diga ite. Nana nasiai ibaica; iadedi nase econoñeno ieconi Jesús cai motomo dane fo billano, uaiduano, llote:

—Uri omoi i.

27 Iemei Tomásno llote:

—Eroda cue onollimo. Naifo jeta. Ciraigi ifona jiai jeta. ñnoñeno jaiñeno. Mai ñno.

28 Tomás uai ote:

—Cue Namadio. Cue Jusiñamuidio.

29 Jesús dane uai ote:

—Cuena o ciua jira, cuena ñnotio; iadedi cuena cioñedino cuena ñnoia, jiai caimare iitimaci.

³⁰ Jesús diga siño rafuena finode. Iena ciodicai. Nana naie rafuena bie rabenicomo cueñedicue;

³¹ iadedi dajerie cueticue. Jesúdi cai Jilloitaraimana omoi inollena, iena cueticue. Naimiedi Jusifiamui Jitona omoi inollena, iena jiai cueticue. Naimiena omoi inuano, naimie diga jaca iitomoí.

21

Jesús ie llofueoicaiganomo ane bairia rafue

¹ Diga irui illanona, Tiberiana mameciredede jorai fuemo Jesús ie llofueoicaiganodicaimo dane bairede.

² Nainomo diese iticai: Simón Pedro, Tomás, Natanael, cue ama Jacobo, cue, jiaie iaiaiaí. Tomás mameci jiaicidi Dídimó. Natanael Galilea ie Caná nairai imie.

³ Simón Pedro caimo llote:

—Lloiji faiaiticue.

Naimie uai oticai:

—O diga jaiticai. —Iese raillano, botemo jaidicai. Namona naio llojjina faiticai; ia jaca buena oñedicai.

⁴ Monaiacademo, Jesús jorai fuemo bite; iadedi naimiena uiñoñedicai.

⁵ Jesús caimo jicanote:

—Caimaci, ¿nie diese lliciaína jai otomoí?

Uai oticai:

—Jaca oñedicai.

⁶ Naimie dane uai ote:

—Omoi bote nabei dine omoi llojjina faíno.

Ie jira faiticai. Ailluena lliciaí naiemo jilla jira, a aiñoñidicai.

⁷ Iena ciuamona, Pedromo lloticue:

—Cai motomo cai Namadi ite.

Pedro iena cacajano, naimie taimiena jira, ie iniroi jitade. Jesús dine naimie raire rillena, joraimo daiade;

⁸ iadedi botedo biticai. Enirue iaie illa jira, na lliciaimo sonocana, lloijina atidicai. Nibai cien metros oni ite.

⁹ Jorai fuemo cai ria, coocimona bonoca iraina ciodicai. Lliciai iraimo ruica jai ite. Llomenico jiai ite.

¹⁰ Jesús caimo llote:

—Omoi oga lliciaimona janore ati.

¹¹ Ie jira Simón Pedro botemo jaillano, lloijina llinuanona, eniruemo ari sonode. Ciento cincuenta y tres jemerie jitaticai. Ailluena ite; iadedi lloiji cuarariñede.

¹² Jesús llote:

—Mai guisaibi. —Jesúna cai uiñua jira: “¿Budío?” jaca buna raiñena.

¹³ Jesúsdi llomenico diga lliciaina caina ecade.

¹⁴ Fiodaillamona jillua facaisemona dacaiño amani caimo Jesús jai abina bairetate.

Jesús Pedro diga ñaia rafue

¹⁵ Guilla mei, Jesús Simón Pedromo llote:

—Simón, odi Juan jitodio. —Jiai jicanote— ¿Nana o nabaiñiai baifemo cuena isiruitio?

Simón uai ote:

—Jii, Nama, ona cue isiruillana uiñotio.

Jesús uai ote:

—Toica llaudaiai uruiaina omoi raise sedaja isoi, cuena inotinona raise seda. Naimacina cue rafuena raise llofue.

¹⁶ Dane llote:

—Simón, odi Juan jítodío. —Dane jícanote—
¿Cuena isiruitío?

Simón uai ote:

—Jii, Nama, ona cue isiruillana uiñotío.

Jesús dínena uai ote:

—Toica llaudaiaí uruiaína omoi raise sedaja isoi,
cuena ñnotinona seda.

¹⁷ Dane jícanote:

—Simón, ¿cuena isiruitío? —Jesús naimiemo dane
jícanua jira, “Jesús cue uaina ñnoñede” raillanona,
Pedro comeci sunaite.

Uai ote:

—Nama, naga rafuena uiñotío. Ona cue isiruillana
uiñotío.

Jesús uai ote:

—Toica llaudaiaí uruiaína omoi raise sedaja isoi,
cuena ñnotinona seda.

¹⁸ Daje rafue omo nia lloiticue. O nia conirue
facai o ñiroi dama jítadío. Ie mei o jitaillanomo
jaidío. O uaciroma facaiseconi o onolli oni
ñuitaitío. Ie mei jiaimie o ñiroi ona jítajano, o
jítaiñenanomo ona uite. Cue lluaña ñnocana o jai.

¹⁹ Fiodaillena Pedro uiñollena, uicodo Jesús
iese llote. Cristo llua isoi, Cristo rafue muidona,
illaicomini Pedrona jiairuido meinetimaci.
Naimie fiodaillanona, Jusiñamuina iobitade.

Jesús ie gaia llofueoicaigamiemo llua rafue

²⁰ Pedro diga Jesús nia ñaia facaise, Pedro
dobaicaillanona, cuena ciode. Iaimaiaí jinafona
racadicue. Jesús gaiaimediecue. Navui cai guia,
Jesús nia fiodaiñenia, Jesús abimo cue ia, Jesúmo
jícanoticue: “¿Bu gatatalio?”

21 “Cuenta ñnotinona seda” Pedromo Jesús lla mei, Pedro dobaicaillanona, cuenta ciuano, Jesús mo jicante:

—Nama, ¿ñiese naimie fodaite?

22 Jesús uai ote:

—Naimie ña itemo, cue abido ña, dama iesede. Naimie rafuedi omo duiñede; ña cue llana ñnocana o ña.

23 Ie jira creyentia ña ña llana fidiano cuenta raitimaci:

—Naimie fodañeite. —Iese raitimaci; iadedi Jesús iese raiñede. Jesús llote: “Naimie ña itemo, cue abido ña, dama iesede. Naimie rafuedi omo duiñede”.

24 Nana rafuena ciuano lloticue. Iena cueticue. Uanaicinuana cueticue.

25 Jesús ailluena ña ña rafuena finode. Nana ña rafue cuedana, enirue baiñede, ña libros eenollena. Mai. Juandicue.

**Jusiñamui uai: Jusiñamui jito rafue illa
rabenico**
**New Testament in Huitoto, Murui (PE:huu:Huitoto,
Murui)**

copyright © 2008 Wycliffe Bible Translators, Inc.

Language: Huitoto, Murui

Translation by: Wycliffe Bible Translators, Inc.

Huitoto, Murui [huu], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Murui

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files dated 29 Jan 2022

145a1f66-dca1-5de3-9c00-4e533605e488